

重修龍潭宗譜序

先祖秋崖公由徽婺徙居龍潭渡始遷原委支派繁衍歷修次第與事族賢先牒不勝其紀載余亦無煩瑣之贅文公家禮有云三十年不修譜大不孝也溯自同治丙寅重修至民國丁巳屈指五十餘年違反祖制厥罪難追但清末葉以降各房紳耆一值月朔會祀啟口惟以譜事嘖之恰遇荒歉頻仍生計窘迫而事遂寢泊民國元年秀芝興讓文學文安等會集合族尚事人員酌擬仍舊譜例家規若干條赴縣呈

請示諭懸掛祠宇以為譜牒發軔之先聲又因水患
經年不衰忽焉較前更甚加之我族居處僻畧南墓
村落椒繁人心渙散每遇族中公共事體互相雀角
猶不得一致進行矧譜牒大事乎故事未半途而輒
止延至民國乙卯凶年稍有轉機雖未見家給戶足
而民困始蘇彼時家政急需籌措者不知凡幾但提
議他務猶未免齟齬時形惟以譜事詢諸族君僉曰
我族修譜舉行數次踰期莫甚於此眾口哢々胥有
萬不得已之音容猶恐事繁責重莫負其任後必貽

悞匪淺爰推秀芝興讓孔昭等纂織舊牒校正錯訛
余亦附其驥尾各房草譜遂始稿於丙辰之春迄開
梓時披閱前序自龍潭獨修者有五與徽婺合修者
僅二俱以介公為始祖今因分修已數舉年愈遠而
代愈湮統宗亦非易事故易以秋崖公為始祖然此
偶然也斷非忘其本源日後倘有會徽閩江浙同修
者仍遵舊牒在系至於繼續承祀生娶卒葬在表加
旁直系年表增雙甲子暨忠孝節烈有功於在族者
文敘傳贊詞句間雖稍有增損總之不背乎前章繼

有亥豕魚魯之虞不能踵謬襲訛但知者改之不知者闕之萬不敢私作聰明更前哲簡篇文字於彷彿費解之間今日家譜告成族衆咸推余序余本謏陋寡聞惡乎序之特因謬任筆墨辭拒不獲爰敘譜事巔末情形付之剞劂閱之知不免鉅釘之譏唾餘之誚然聊陳俚白不徒工藻采富麗俾後之續修者開卷庶有端緒云

民國六年歲次丁巳季夏之吉秋崖公十九世孫邑

優廩生虞卿謹撰

龍潭重修宗譜引

此譜者紀先代發族之由與分遷之所原原本本縷述無遺其
盛事焉我始祖秋崖公由考亭徙居陵北龍潭草昧初開急訂
世譜以為來葉計後之踵其修者代不乏人閱前序所載彰明
較著無庸瑣瑣贅也推其急修之情與當修之理亦篤本原思
意據譜牒系傳某祖係某派某派始某祖俾萬世子孫知先祖
所從出開卷之下朗若列眉則譜修尚焉余文公家禮曰三十
年不修譜為大不孝他族之子孫猶懍懍以此言為箴誠矧我
輩為文公後裔詎可忽諸憶自我曾祖霖公於同治丙寅續修

之後迄今五十餘載倘再遷延則不孝之罪孰大於是蓋此數
十年中舉凡生卒年月名號厝墓以及賢能行實忠孝節烈諸
大事一待老成凋謝稽考無從亥豕魯魚在所弗免不幾上有
愧於文祖下無對於後哲乎迨民國初肇秀芝文安興讓文學
等會族諸君子商修宗譜妥立章程繼祧仍照舊例但推皇
朝恩制議改十二歲為成丁按例頂繼衆皆允諾赴縣請示高
掛祠宇以期速成誰知族巨人繁意見難以驟合而譜事遂寢
洎民國乙卯復議譜事共推議修四人秀芝興讓元愷等余亦
忝列其後分任筆墨遂始稿於丙辰春考舊譜正舛訛詳者載

之缺者補之雖增損稍殊大率體文祖之訓斟酌盡善而不敢
妄贊一辭繕寫成帙付之剞劂越丁巳仲春擇期開梓季夏印
刷成卷共慶落成推余作引余學本謏陋抱愧儒林實不能文
又不獲辭聊具俚詞以弁諸首云

民國六年歲次丁巳季夏月之吉

裔孫貢生燦薰沐拜撰

朱公硯田先生傳

公附貢生諱霖朱其姓旌材其字號硯田又卧雲春穀碩望也
生母劉孺人道光癸未見背父諱必元公己亥繼逝舉丈夫子
二公其冢嗣也幼時有大志攻舉子業與里中夏永清諸名下
士相友善常會文於清溪庵文筆毫邁冠卓一時惜屢薦不售
爲名諸生終命也事繼母周孺人尤謹篤出必告反必面孺慕
不忍離與仲弟槐友愛異常雖析居分爨館俸之歸取分給之
弟故家無擔石公典衣服賣書籍以購棺衾渾忘其爲分家昆
季者咸豐癸丑洪楊劫亂公領辦協防局捍衛鄉閭後賊衆我

寡屢瀕於危而公卒能得鄉人力脫虎口逮境內以寧族中敬請攝宗主修譜牒督創宗祠建寢樓造禮堂公均總其成厥後邑中恢復舊制監造聖人殿魁星閣城隍廟忠孝節義祠公又董其役凡一邑一鄉事無大小無難易皆取決於公排難解紛庭無虛日魯仲連之流亞歟公有三子長立次可又次順咸豐己未順在寺湖被賊擄去婦蔣氏晝夜哀號抑鬱成疾尋死之公卒於光緒九年享壽七十有七孫鏞由附生加五品藍翎曾孫燦由監入貢鄉里賢之謂朱氏翹楚云

胡作霖曰公領袖邑與族中諸義舉誠足慕矣惟篤行孝友事

繼母則必告必面依依若嬰兒愛分析之仲弟典衣賣書以殯
葬更可知孝養其生母與昆弟未分時友愛懇摯也近世人情
顛倒創大同胞之說蠱惑鄉愚及觀其家妻子衣服羅縠襪履
其親宴飲醉飽膏粱飢餓其弟甚至爭產肇釁反咎父母愛憐
少子讐寇畢生經官府且不解者則愈知我公之孝友洵不可
及矣

中華民國六年歲次丁巳季夏月之吉

前清光緒戊子科舉人一等大挑署理福建漳平縣知縣年家

媼晚生兩亭胡作霖謹撰

攝宗硯田先生行實錄

從來士之名留史冊千古不朽者必孝友立其本正直昭其度
文章詩賦亦其才所見端也附貢生諱霖字旌材號硯田幼而
芸窗坐誦志大意大而不安小就與諸文士會課於清溪庵筆
墨絕勝定卜步驥尾矣不知泮水生香棘闈不錄同道共惜之
族請攝宗鄉舉董士秉理排解無人不隱然心服矣洎道光癸
未母故己亥父亡公泣曰嗟夫欲事不得欲養不終罔極之深
恩未報吾乃名教之罪人也乎忽自慰曰幸哉吾繼母周孺人
在堂尙可盡人子之心於是出必告反必面朝夕左右奉養不

衰此非深於孝道者乎公有弟槐析箸分爨患難相扶善則勉之過則規之不徒言語相加已耳竊痛庚戌弟亡年荒歲歉家如懸磬稱貸無門典衣服賣書籍以購棺木始得殯葬此非篤於友愛者乎迨咸豐癸丑髮逆猖獗公舉義旗招鄉勇取名縉紳衛獲地方按戶歛餉朝夕不遑無如寡不敵衆失機被擄賊稱鄉官不敢刻待蒙族紳耆貸金求贖得脫虎口同治壬戌境內清平振公隆祀族務紛紜無不處之各當次年赴縣稟請公牛數十頭又向殷戶假穀四伯餘擔命啟雲普周等照村按戶派領以爲耕種之資使子母完全適安故土此非急於民事者

乎更爲公所急者家乘灰燼片紙無存欲修而不得欲罷而不能轉輾反側坐卧不寧輒聞開口潘壩遺留一部喜形於面星夜踵至闕失三卷頓時失色頰背汗流嗚呼公之急於族事如此能不令人敬慕而痛心哉乃會族諸君子督修宗譜查墓碑訪老人得纂輯刊成斯時子孫之根本雖著祖宗之靈感無憑同治己巳身列成均地方賀貲約百餘金津貼族中建造祠宇夙夜焦勞五載告成旋督造清溪庵下坊殿卽邑中城隍廟聖人殿魁星閣崇聖忠孝節義祠邑侯無不延之以襄厥成此非正直之孚於近而及於遠者乎公之善狀哭筆難窮今通修宗

祭攝宗硯田先生文

維年月日時合族致奠於靈位前不禁淒然而淚下曰嗚呼先生吾族之干城也哉胡爲乎人望所歸兮天獨不與胡爲乎天命所奪兮人獨不忘弔公种幼兮專工翰墨不安小就兮黼黻文章弔公弱冠兮名揚泮水未如所願兮見棄闈場弔公風彩兮心廣而體胖弔公儀度兮性厚而言剛善事繼母兮孝齊於閔友愛兄弟兮義重於姜戚同粵亂兮歛兵積粟縉紳聚勇兮除暴安良以弱敵強兮置死生於度外爲國陷身兮留忠孝於人間吾祖有靈兮賊不敢犯吾族有幸兮公乃得還宗廟焚兮

公張皇修造五載兮坐卧不安宗譜毀兮公恻傷梓印三年兮
居處不遑攝於宗兮董於鄉片言息訟兮屏彼公堂家有塾兮
黨有庠四時立教兮啟我周行稱貸拯飢兮皆歌功而頌德振
公隆祀兮見春露與秋霜縣衙政令兮必告而施張宮觀起造
兮必賴以贊襄熱心公益兮不憚煩勞神族務兮已罄囊安得
有公兮家聲大振誰可繼公兮門楣增光草昧初開兮憐惜今
人之莫及安享已就兮應知昔者之艱難憶公偉烈兮澤被宗
邦嘆公永逝兮列碎肝腸實鑿我心兮獻我蒸嘗靈爽不昧兮
酌酒一觴公其有知兮來格來享嗚呼

尙饗

又排律一首

紫第朱門世襲開

王宮謝府燕飛來

龍潭毓秀生賢俊

鳳穴含英出異才

大顯文謨如此矣


丕承武烈是誰哉

願公瓜瓞綿綿遠

永享春秋祭祀杯

民國六年歲次丁巳仲夏月之吉

族侄清附貢生秀芝敬撰



樂有年四時立教存教子其至古禮實主衣芝燭謝

吳國大夫繼太子中夏風之吉令今必名


賜公風靈繼誠心派享壽輝祭彌林

風大舍矣出異本誰大賜文驚收此矣

業策米門世繼開玉玉萬歲自應榮來

邦嘆又對翰芳首辟所賜實空式心易

尚醫酒一暢公共有知兮來格來享嘯呀



攝宗附貢朱先生觀德傳

先生諱夢蘭字觀德號山亭予幼卽耳熟及弱冠通嫻嫻偕子壻輩親模範二十餘年先生之清風高誼予故佩之親切嘗自言家夙清寒兼遭兵燹未獲專攻筆研然得暇輒從事焉究之壁無可鑿螢無所囊鋒鏑餘生苦何可言甯郡被陷旋取青紵於旌德同治間鄉薦不售遂絕意進取援例贈廣文設帳鄉里士于就學者衆迄今老成碩望雖半凋零而其僅存者大都爲先生所陶鑄蓋先生教人黜華崇實嘗以器識爲先而其立身則以清潔自守辭受取與于義利關頭體認最真故人不敢以

非禮干待人則以寬恕爲懷予嘗小住先生家見其終日靜坐
不出門庭問之則曰歲晚務閒村人不乏門葉戲見我而避之
則大煞風景見我不及避則彼輩不自安聲揚視下亦大苦事
故人畏之者咸親之又性最勤儉課讀之餘每親督率南畝以
是家漸小康生平惟喜酒怕與人酣飲有獨酌無相親之概是
以終身無大醉晚年攝理宗事每敦諭族人守先祖文公訓排
難解紛不啻魯連有語及訟事者則戒之有譚及聲援者則斥
之是以行年七十餘身不謁官長足不履公庭吁今世士習不
端地方安得如先生者長爲之矜式耶先生繼配何老孺人尤

賢淑生三子長次皆力農天性純篤三子寅清最穎悟有乃父
風早歲登庠動準先訓出先生行狀屬予立傳因卽予所佩之
親切者合筆之以詔示後世云

岢

民國六年歲次丁巳孟春月之吉後學清邑庠王 槐拜撰

凡國六年歲次丁巳五月庚辰日女曰勞勞對自樂王 蘇拜觀

昔

蘇氏春台禁...

風早歲登氣使...

寶册中三千...



十連牛場圩錦鸞公傳

公諱錦鸞字兆書余長子朝寬岳父元達之祖父太岳父文謨
之父也生於嘉慶丁丑年卒於光緒丙戌年去余身數十載其
學問其品誼其德行詳烏乎知然與余岳父文炤公系屬從堂
誼相篤情相親行狀亦甚相稔余於謁候之暇岳父常向余稱
述之以故得悉其梗概公性靈敏負奇氣總角時從塾師授書
輒成誦年十二卽能文清咸豐中兵燹患起東南數省蹂躪不
堪公於干戈倥傯時而手不釋卷洎寇燄平賓興舉博同治辛
未年弟子員然棘闈屢戰屈而莫伸下劉蕢之第落孫山之名

文章之困人可爲浩歎矣公於是抱兔園冊紹鹿洞規廣儲生
徒裁成後進諄諄然循循然口講指畫無一毫倦怠心一時從
其游者無不就甄陶而成偉器經造就而列膠庠噫公之學問
之純爲何如也公父大煒生子六公居長父捐館公愛之不忍
離旋以人衆家窘不得已而分爨析產時居瘠讓肥不生吝忮
漢姜肱唐陽城不是過矣至遇鄰里中紛難爲之辨曲直剖是
非極力排解之訟者咸服其公畏之若王彥方愛之若董伯和
焉吁公之品誼之正又何如也是以龍潭族老以公之學問純
而粹品誼正而方推舉之爲家相公秉族政與父言慈與子言

孝與兄弟言友恭與夫婦言和順族人沐浴其德家泯雀角戶
免鼠牙紫陽之家聲巍巍然而大振公因之召族中長老曉以
報本追遠之意糾費而建宗祠導以敬宗收族之情敦倫而修
族譜迄今數十年來有談及公者族人少長無不感激涕泠追
思靡旣於戲公之德行之厚更何如也公初配陶孺人逝世早
繼娶夏有孟光風爲公操家政男錢女布婦道克嫻俾公無內
顧慮凡公之學問也品誼也德行也得其助爲不少生子二長
文典早世次文謨性正直雖力田有儒者氣族譜之修咸推之
理財政孫五長元達次元達三元述四元逵五元運門庭大啟

家道榮興語曰爲善者必昌修德者獲報洵不誣矣今貴族
當華乘重修之際余于太岳父文謨囑其岳父元達請傳于余
余不敏何能文然誼聯瓜葛又不敢辭因卽前所聞於岳父文
昭公者一一紀之以俟異日錄鄉賢訪懿行者採擇焉耳

肯

民國六年歲次丁巳仲呂月之吉

媯晚生胡國澄薰沐拜撰

附貢朱諱深公傳

先生諱深字禮如清故附貢也先生素與吾父善每至家輒談
口不絕詩書嘗謂吾父而顧吾曰此子穎悟必讀書吾父以家
貧而勉從之是先生一言造就人材有足多者焉况親炙而爲
門下士耶吾時尙幼第覘其外儀今乃知先生之卓卓可名者
固自有在也先生志承大父力圖上進而所遇半遭阨難咸豐
擾亂殆數十年未遑閉戶潛修先生不畏險阻猶以戎馬之場
售試於安慶倘遭際無恙得以遂其好修之志其進境當不徒
采芹已也雖同治中興吾七連圩因避亂而失修者有年矣每

於洪水陡漲輒遭潰決先生則合圩民之力冒雨星馳修築如
舊不但就近中渡各村圩隄完固卽圩內週圍七十里迄今猶
蒙其休觀其任圩事如己事而知先生之化鄉鄰篤宗族者更
無不各盡其誠焉迨老而精醫念切濟人凡視診尤恤貧苦而
性之所適每有所觸拈筆成吟今雖不能收拾其全而遺稿猶
可得其二三蓋先生之學至老不厭也綜計其生平尙實踐黜
浮華誠所謂反璞歸真則終身不辱矣噫生前或盜名蓋棺則
論定吾向得之於父訓者猶私也得之於傳聞者猶虛也公論
在人心吾智卽汙焉敢阿其所好而如先生者烏可以湮沒不


彰哉爰謹爲之傳

公諱

源字忠貞一字雲從諱名成龍皖南宛陵

民國六年歲次丁巳仲夏月之吉

歲進士梅汝霖拜撰




道寇出沒無時附近村巷皆不可居公隨

夫人避亂始避本邑之荻巷後避

凡十餘年亂定返里赴省垣應童子試補博士弟子員未幾

贈公及憚太夫人先後歿公哀毀欲絕棺槨喪祭皆祈襄於禮

旋卜吉地葬之自是遂不



性之所趨物有所歸於身以形命雖一而情性各異其全而實有別
 可得其二三蓋先生之學也
 吳國六代道太丁日中夏正之吉
 論言皆自得之於及知者猶未也待之於傳聞者猶厚也八不
 違時受麟鳳之勳焉敢阿其所好而如先生者烏可以澤波不

朱公清源傳

公諱清源字忠貞一字雲從譜名成龍皖南宛陵人也世居蕪湖之十連圩爲人倜儻負氣好讀書少有文名鄉前輩達尊咸器重之當粵寇據金陵時日事殺擄毒徧東南蕪邑爲皖南孔道寇出沒無時附近村落皆不可居公隨贈公及繼母惲太夫人避亂始避本邑之荻港鎮後遷繁昌之三山鎮流離轉徙凡十餘年亂定返里赴省垣應童子試補博士弟子員未幾贈公及惲太夫人先後歿公哀毀欲絕棺槨喪祭皆折衷於禮旋卜吉地葬之自是遂不爭名於時益篤志求學刻勵不寸晷

逸於諸子百家無不貫穿治詩及文所得皆驚邁同治丙寅續
修家乘公主纂修凡文叙贊多出公裁公族大小諸公堂以十
數當大亂後規例弛廢幾湮血食公次第恢復之祭祀賴以永
傳弗替十連圩冬涸培築圩堤霽洪巡視埧卸歷有定章至此
亦蕩然莫覩公重行整理至今猶利賴之公性剛直識見過人
排難解紛無不令人心折尤樂與人同善無論賢愚必接之以
誠以是人皆德之尊爲長者年六十卒公病時預知死日及期
異香滿室端坐堂上而逝配梁夫人子男一文斗清附貢生孫
二長元愷邑優廩生次元恪南京鍾英中學畢業生其次孫元

恪與余孫祖同同學知余能文章負時名輒道祖父之風徽而
欲潛德必彰於後世余聞而有感焉今天下禮義汨廉恥喪人
皆奔走於形勢之途以謀切身之富貴豈復知顯揚先德而元
恪獨斷斷然以此爲念其孝思固不可遏也廼濡毫而爲之傳
民國六年歲次丁巳季夏之吉

江寧舉人陳作霖謹撰

朱秀峰老先生傳

公諱則衣字秀峰邑廩貢生清誥授中憲大夫同知銜兩淮卽
補經歷德配誥封恭人陳恭人公性爽直最敦孝愛和宗黨閨
房相敬如賓陳恭人尤襄以孟光之德其內外均堪作舉世表
式云及其出政淮揚館甥于徐光祿公之幕能運籌一切凡得
大吏之委任亦無不課上計而惠旅商晚年休致後抑復熱心
公益爲桑梓造幸福者正非淺鮮惜天不竟其用丁光復時齋
志以終是周公之遇而亦地方之不幸也今值貴族華乘修明
公嗣君瞻庭世兄問傳于余余故樂爲之傳爰敬贊以七言古


風 先生神氣已在天衣冠那復憶從前昔日座中車馬客雲
烟化作路塵邊世風惡薄原如此交情誰箇見生死元音既作
廣陵散沾濡秃筆爲公贊君子本來有三立請爲先生誌一一
和於宗黨孝于親德業以茲爲最真亂離奉母困圍城圍解風
木泣靈椿干戈遍地冰霜苦保身先要保慈姆教嚴機杼際承
平餽食宮庠旋垂組聲名顯揚報顧復分職授官光宗族半生
政績在淮揚塩場方畧何整肅委承大吏皆上計調到河工事
亦濟曾在蔣壩慶安瀾也爲沙溝革流弊錦衣端的還故鄉五
岳歸來不看山正得林泉休養趣清廷忽將新法殞地方票舉

公當選自治大開言論闕排難解紛甚爽快總董一切年已邁
提倡平糶救民荒禁米風潮息商界林都上下起訟波苦心苦
口爲調和城鄉倚公處正多危險曲似九折波公心甚熱嫌不
避化險爲平亦甚易胡爲天竟大才忌適逢光復將公棄立德
立言並立功問世已與古人同愧無五鳳造樓工好將丹青寫
我公

峇

民國六年歲次丁巳孟夏月之吉

後學優廩生徐之桐謹撰



Faint vertical text columns, likely bleed-through from the reverse side of the page. The characters are mostly illegible due to fading.

宗相大伸先生傳

梵語云人之一生有形有神形爲神之質神乃形之用形亡而神在人古而神靈然智者不能免於疑學者無從以取法曷若卽其人之功德言行品概名流書之翰墨載之編章使讀者信而可考學而足法之爲愈乎增貢生諱瑞爚字大伸號引泉者形瀟灑性恬淡幼而芸窓坐誦業肄先嚴鳳毛稱濟美矣壯而外作西賓循循善誘凡得其門者無不沾春風之化而南闈屢薦不錄命矣自傷同道惜之及族請宗相力辭不免因棄庠序之教以任排解之勞當公一生族無橫逆里無凶殘非學術深

淵性情醇厚者曷克陶鎔臻此乎吾族自鈞叟公修建宗祠而後歷明及清年湮代遠忽亂忽治迨至乾隆朽壞彫塌狼狽極矣公承攝宗命糾金聚木補舊增新身自監督不假於人夙夜勤勞不遑暇處乃得速成告竣以妥先靈道光庚戌續刊宗譜與蘭亭先生等分任其事舉春秋筆操與奪權繼絕世正魯魚詩文傳贊精益求精繁不怠於事勞不怨於心譽無喜容毀不介意形憔悴俯就厥成後世子孫安享無爲甚矣先生誠吾族之干城也哉查閱老譜後跋與蘭亭先生傳知先生之功德未著余愧無學識蒙族推舉議修任此筆墨何忍使先生復湮


沒而不彰哉茲當家乘又告成功故錄數言記其行實以為後


嗣取則云

民國六年丁巳季夏之吉

附貢生族侄秀芝敬撰

逸倘所謂曾參之流也者非耶既
非學庸乃命蹇也迨道光二十九年洪水為災人民漂溺與餓
殍者慘不忍觀公奔他鄉覓食餬口維艱然猶以奉養慈母為
念也復至咸豐三年粵寇猖獗四海騷然居民不可安堵公與
親屬奔竄避地繁昌之荻港鎮旋逃宣城之方山鎮流離失所
將近十年亂定歸里家室蕩然或挑野菜以和羹或挖野菜以





... 詩文... 求... 不... 與... 六... 日... 卒... 夏... 之... 告... 剛... 賦... 注... 而... 不... 違... 姑... 茲... 嘗... 寒... 飛... 又... 吉... 如... 也... 姑... 趁... 燻... 言... 歸... 其... 行... 實... 也... 國... 益...


宗相朱公成器傳

公諱醒字玉琢派名成器廼余族之忠厚人也性嗜學七歲就塾塾師輒愛其讀書肫摯質雖魯鈍而日征月邁刻勵不寸晷逸倘所謂曾參之流亞者非耶旣冠補博士弟子員屢躋秋闈非學膚乃命蹇也洎道光二十九年洪水爲災人民漂溺與餓殍者慘不忍覩公奔他鄉覓食餬口維艱然猶以奉養慈母爲念也復至咸豐三年粵寇猖獗四海騷然居民不可安堵公與親屬奔竄避地繁昌之荻港鎮旋逃宣城之方山鎮流離失所將近十年亂定歸里家室蕩然或挑野菜以和羹或挖野葦以

度口遭水荒兵劫後迫不得已藉筆耕以維生計始設帳於灣
沚鎮繼至蘭冲方山以及內地蔣家灣郭家村等處教授獲良
法凡鄰近郡縣讀書請業者踵門擠揖而生徒蜚聲黌宮者科
歲試屈指難數且晚年携同堂後裔就塾訓誨無不誠至懇切
膝前雖艱似續居恆無隔膜視之每值課餘慘見宗規漸替又
召集族衆勗以文公家訓暨宗法之煌煌篇牘者誠之諄諄合
族舉公爲宗相蓋以其性天醕厚品學兼優不難勝其任也公
生於道光四年至光緒十九年壽恰七旬無疾而卒其侄孫元
愷與余共肩譜事述其行實與余余故爲之傳

民國六年歲次丁巳季夏月之吉

秋崖公十七世孫族弟邑庠生寅清拜撰



朱應良公傳

朱公諱應良思端公長子也性純篤穎敏絕倫幼從師四子六經過日成誦師恆語其父曰異日光爾門楣者必此兒也嗣以流賊蠡起四海騷然親老家貧生計窘迫不得已遂輟讀而務耕夷攷明季數十年間號稱流賊時代其禍以張獻忠李自成爲最殘酷公獨於殘酷之中得偷生以養其身以自樹立是天之折磨於公者乃所以玉成於公也厥後鄉之人篤念公富於閱歷不難推己及人一時排紛解難之事十九待決於公夫公之待人接物一以誠意爲職志無所瞻徇無所疑忌所以終公

之身不聞有一人加怨於公也及乎晚節性喜靜雅不願徇世俗之請求凡一切名利關頭打擊之唯恐不盡儻所謂晚年唯好靜萬事不關心者非歟古來唯靜者能無煩惱亦爲無煩惱者能養生養生云者非必需乎水精雲母粉麋角散之服也卽此半畝雲霞一蓑烟雨時而打槳時而垂綸取頰尾紅鱗以爲快亦愛惜天年之要端也公養生之術如是而已迄今過朱墩村落臨直溝溪邊追念流風餘韻有令人低徊不置者久之公生於明隆慶二年四月十六日辰時卒於清康熙五年八月十九日巳時享壽百歲生子四俱有先人風故後嗣子孫衣冠弗

替云

贊曰太上莫如德才與學次之公以兵燹故未克充其才與學
唯德有以補助之是以德貫徹乎才與學也然余謂德者原於
天潤於人非僅補助才與學且足以享高年上尊於國下隆於
鄉故曰有大德者必得其名與壽也公之德甚爲當時所引重
更以矍鑠時嘯傲於白蘋紅蓼間其隆於鄉已不待言特無人
爲之表揚以未致光史乘爲可惜耳昔宋文潞公慕唐白樂天
之軼事集洛中卿大夫年德高者爲耆英會就資勝院建大廈
曰耆英堂命閩人鄭奐繪像堂中共十二人向使彼十二人無

朱啟雲先生傳

公諱啟雲號大鳴家寒苦性嗜學卓然有大志適洪楊首倡風
鶴頻驚公乃率子姪逃避他鄉卒致泮水未遊而太學榮身焉
承平後方歸桑梓田坵墟宅焦土族人散而之四方者難以一
呼而聚祭先祖則祠宇廢圮查譜牒則正草俱失公誠仰天而
椎心矣一旦相理宗事卽召集族人商議造宗祠修宗譜晝夜
經營不辭况瘁而始得兩告成焉故論其御族以和平鳴論其
處鄉以正直鳴又豈常人所可比而同語也耶晚與公世爲戚
好地處毗連公之懿行聞之頗熟茲屆宗譜續修爰舉所知以

為傳

皆

中華民國六年歲次丁巳季夏月之吉

恩進士例贈文林郎試用直隸州左堂愚表侄九如俞錫九


頓首拜撰

承平對衣調祭林日我

歸時漢公氏率予我

公實淵靈懸大節

未淵靈共主



宗相普周公傳

公諱大照字普周秉性倜儻植品剛方幼年家寒未讀詩書孝弟力田芳名掛人齒頰洪楊亂作家人皆遭蹂躪僅存姪孫一人名文臺字法乘長兄碩子成寬所出也公撫養長育直以祖道兼母道並爲文臺娶妻初有勸其續絃作似續計者公曰吾娶而家貧不能兼顧致令姪孫失所何以見乃兄于地下以是輿論稱其義同治初兵燹餘生迭遭荒歉村居炊烟幾絕公泣請邑之殷戶張某家貸粟百餘石以濟歲豐村人感德權于母以償張氏無絲毫欠以是輿論多其仁亂後祠宇無存譜牒散

失襄助建修諸義舉無不竭力經理鉅細公堂無不盡心以是
輿論贊其能後相家政偕攝宗調停族事排難解紛扶弱抑強
每探囊暗助必至息爭而後已且直道而行毫無偏袒以是輿
論服其公槐忝西席于沙壩村者四載通嫻姪于龍潭村者三
十餘載得覩公之豐采熟悉公之生平現在公兄之後孫會林
立其曾孫光耀亦嘗就學于予至是請爲伊叔曾祖立傳爰筆
直書其事如此

民國六年歲次丁巳孟春月之吉清邑庠王槐拜撰

貢生大禮公贊

公諱家聲享壽七十有六卒於民國元年貌魁梧性剛直言談
爽快舉動端嚴當公未卒之前一年適琨由省城回里公遇於
許村埠之舍親家謂之曰君爲省會議員於國家有建議之權
於地方有維持之責君其勉之琨謹受勿忘焉德配俞氏孺人
以名門淑女來歸秉性仁慈飭身莊重齊眉偕老裕後流芳今
公孫文楷以公與孺人之贊見屬琨雖不文敢不勉承贊曰
薰草已萎兮氣猶芳哲人雖逝兮德彌彰事親盡孝兮教子有
方友愛昆弟兮雍肅一堂息訟解紛兮扶弱抑強邑人利賴兮

宗族有光躬任家相兮勉為其難辭攝宗政兮謙讓未遑德配

賢淑兮內助擅長宜夫壽享大年兮後嗣其昌

民國六年歲次丁巳季夏月之吉

以邑廩貢生代理南陵縣知事姻晚生陶琨鞠躬拜撰


賦賦大守職耕之責吾其憚之匪難受於忘世難而命凡識人

持一學之旨思深觀之曰世道言會精員其國其家

奕丹與慎誠知當公未六之說一守其德由皆其何里公啟叙

公能深觀寧濤十十齊六卒叙其因元半難換毋封開直有始

貢主大斷公贊



朱表兄大標傳

兄諱樹鐘字廷魁號大標希賢公嘉嗣余之表兄也兄生成豐
丁巳正值洪楊亂作當此干戈擾攘避兵逃難苦何可言同治
甲子金陵克復天下寧一兄承父志始讀詩書誦志儒林繼習
武藝蜚聲黌序屢赴鄉試卒困棘闈宗族鄉黨疇則不惜然兄
秉性忠厚植品端方請任宗相秉公辦理既無教唆尤無偏袒
雖古之剛正不阿者亦不過是至處鄉鄰平心率物遇有爭訟
輒求解決曉譬曲直退無後言恰似陳實復蘇奚愧文祖厥後
淑配李老孺人闡範懿德堪媿鍾郝舉丈夫子二長成德次成

科兄友弟恭怡怡一堂無讓伯仲雍和慈孫雀起正未可量也
 茲適潭府華乘重修剋期告竣表侄成德詣館徵余爲傳余不
 能文又不敢辭爰擴其大端縷成沒墨齋付剗劂以垂不朽云
 爾

峕

中華民國六年歲次丁巳季夏月之吉

邑庠生愚表弟李一枝拜撰

朱未只大對傳

大爐公行實錄

蓋以天地之生人其性非不善於初也而後竟爲不善者或以威武之所屈而背君親或爲貧賤之所移而不顧名義或以愛惡之所朦而蹈於偏私此三者非性有夙成而實勢有所奪也若公則不然公諱全號大爐考名青雲昆季五公最幼早失怙母病瞽兄弟分析雖在穉年自食其力咸豐丙辰洪楊作亂蹂躪鄉區全家遁散撇母劉孺人在堂公獨徘徊依依膝下母促之曰老身雙目失明不能動履兒急去無念我公泣曰使母罹難兒何生爲於是拈母同行緩則相携急則肩負沿途遇兵夜

行晝伏奔寒亭及宣城至金寶圩如此流離困苦奉養無失晨昏八年三月聞故鄉清平扶母而歸秋九月賊兵復至倉猝間負母藏於蘆荻之中次出遠避被賊追獲老母遇害擒公至於馬家園比欲觸賊自殉又慮母尸暴露死有餘辜只得忍淚以安賊心夜中跪祝曰願母有靈得庇歸葬兒死無恨矣第三夜乘間出營此時九月下旬星月無光昏不見路幸而孝心感格忽來家畜白犬一隻立於當途見公如有哭訴之狀繼而回身向前引路而歸尋見母尸哭拜曰不能保全吾母抱憾終天矣卽日殯瘞於宅傍每餐必獻之德配郭孺人舉子六繼子二飲

食居處人無間言雖家口嗷七家境窘迫公乃耿正無私時謝家壩俞茂運有業田三畝坐落蕪邑十連圩託公杜賣公始與族弟鳴發言之不允繼與發侄成義言定發悔之邀公於家而問曰兄前所言已定乎公曰已定發又曰兄復許我當有重酬公笑而起曰汝乃以利唆我乎拂袖而出發不服乃向業主以銀架之運以告公公戒曰晉文寧失原無失信季布一諾重千金大丈夫以信義爲主焉得如此運不敢違與義立據義亦謝以厚禮公怒曰吾若愛此已與汝叔矣義慚而退由是鄉閭欽敬公每自恨生於亂世芸窗未坐習武未成乃深重道範接納

名流恭延西賓以課子侄孺人敬潔盤餐十年供奉并不以貧
居陋室而皺眉也并不以食藜卧薪而睚眦也後其長子秀芝
由泮入貢光緒二十二年族請宗相人以爲鳳鳴朝陽民國六
年族請議修主稿重刻宗譜舉春秋之筆操與奪之權誰毀誰
譽無介於心非公之所陶鎔曷克臻此茲家譜告成乃錄之以
爲後世生色云

民國六年歲次丁巳季夏之吉

族曾孫貢生 燦拜撰

武庠生朱公諱成蒸傳

公諱寶雲字錦堂號積善先年勤讀詩書進取每沮於泮水壯年奮志英武試藝遂躍於龍門其生平好施樂善仗義疎財於道光二十九年間歲則大凶公能不吝貲財憐孤恤困發粟散財其待人之厚也有如此者當公之時家有六十餘人公能勤儉持家義方垂訓俾夫夫婦婦盡遵倡隨弟弟兄咸篤友誼其治家之正也有如此者故知積善之家必有餘慶修德之人必獲厚報宜乎子孫滿堂喜歌螽斯之句兒童盈室欣頌瓜瓞之章卽如侄文庠生文璧諱占恩字學詩壯遊泮水筆墨宏深

同治五年主稿重修宗譜形勞神瘁又侄業儒文屋諱占霖字

學義長男業儒文陞諱占露字學易均篤志芸窗才識明達爲

修宗譜并建宗祠居處不還誠是族中之砥柱爾地之保障次

國學生文塹印占魁字學會持身則克勤克儉待人亦無黨無

偏長孫武庠生元銘印賀凱字光清守正不阿正直是與次元

鈴三元鎧俱秉性溫厚侄孫元鏐冠年入泮翰墨流香長曾孫

業儒華椿印城字懷德號榮亭民國六年重刊宗譜族舉同

修次華模華彬華榕華榴華柱並屬善良玄孫上淑上澤上漢

上泮上淞等現年幼冲後將有造余不敏係公房姻婭愧爲宅

相忝屬東床深嘉乃德樂採其事因不揣固陋漫爲之作歌曰
鴻才素裕兮文武並揚財物頻施兮人已兩忘大度爲懷兮有
柔有剛氣象光明兮如圭如璋雖未得志兮著令名於君王猶
堪積善兮播雅號於城鄉家運亨通兮能守能創子孫衆多兮
寢熾寢昌至善所在兮瑞聚一堂大德所昭兮福來無疆聊述
俚句兮表公之長敢竭鄙誠兮增公之光是以爲傳兮百世流
芳

民國六年歲次丁巳季夏之吉

媼晚生增廣生惠蔭氏滕樹棠拜撰

臨御上尊... 皇極經世一書

夏曰六平... 皇極經世一書

皇曰六平... 皇極經世一書

皇曰六平... 皇極經世一書


皇曰六平... 皇極經世一書

皇曰六平... 皇極經世一書

皇曰六平... 皇極經世一書

皇曰六平... 皇極經世一書

皇曰六平... 皇極經世一書



成璐公暨德配梁儒人合傳

居蕪南白沙十連圩朱家墩有族祖諱發高字成璐號啟周者
補南邑博士弟子員爲蕪邑治南董事也公之素行事蹟烏夫
悉余小子得耳于曾祖攝宗霖公者半目覩者又一半公廼故
耆民大鑿公之六子太學生獎給六品璋公承繼于也公幼而
聰慧璋公夫婦珍蓄之撫如己出年甫六齡筵師課讀默能成
誦過目不忘師以大器期之喜揖璋公曰是兒靈敏異常豁達
衍貫傳曰明德之後必有達人積善之家必有餘慶洵不誣矣
先生積學未遇天之阨于先生者福于兒孫也宜雖間世何啻

身受至咸豐年間洪楊起義滿楊子江逃竄之餘星月之下璋
公猶口授詩書大義經史底蘊洎夫同治二年璋公以憂國憂
民之心積勞成疾公衣不解帶食不甘味日侍湯藥未嘗廢離
痛於六月二十六日酉時捐館公哀毀鵠立苦塊寢處喪葬成
禮遠近悲之公獨尤甚母氏收淚勸曰余父死矣如老身尙在
何子在襁褓何衣食攸賴爾自主之公卽遵母命雇工開荒大
興農業三四五年佐余曾祖重修譜牒奔走效命共襄厥成六
年家計稍贏與族祖呈公同蜚聲贊序蓋呈公係公三胞兄也
兄弟同科人世僅見功名雖小榮宗耀祖一也七年河伯爲災

十連冲决民不聊生有告貸者罄囊以濟之八年母氏張老孺人捐帨公自生養死送有稍豐於璋公者非薄于父厚于母也荒歉有異貧富不同也每于公退之暇潛然出涕曰吾父喪于兵燹後未盡人于心終生欠事耳九年大啟爾宇高其牆垣十年敬遵母氏遺命虔作五日道場至光緒初年復佐余曾祖霖公重修祠宇封砌垣墉序列昭穆追進木主更佐夢蘭公修建七日道場合族茹素名曰譜齋十一年五月間大雨如注山洪陡發積水淹禾幾半皖省蕪邑濱臨大江災形尤甚公合蕪邑全體大紳或赴皖省或赴南京兩處告災不避斧鉞屢却屢上

不准不休蒙上憲驗形推誠憐憫愚志批准災狀是歲丁地糟
糧合縣始得全緩其有功于鳩江者固昭昭耳目間矣厥後十
數年來率諸紳赴縣告災得蒙公倡者未煩更僕數也尤難忘
者族舖老成日謝文士星殘公猶以白髮殘軀督民壯築圩堤
興公堂全血食臨大事決大疑賴其一言爲定者至今叨其蔭
庇也德配梁老孺人出自名門幼嫻內則孝事翁姑和睦妯娌
詩書教子忠厚教家性好施與何有何亡黽勉求之凡民有傷
匍匐救之年享七旬餘眼觀四代孫與鄰里鄉黨婦孺處終身
未聞爭競聲病及臨危囑次男鎮鄉曰苦讀書無忘爾父志吾

死猶生也遂掩袂捐軀壽終內寢嗚呼公與孺人有如是積累
宜其長子鎮芳榮身國學次子鎮鄉由縣學生員皖捐府經歷
賞戴五品藍翎試用直隸州正孫輩林立幼孫勤學長曾孫華
衮肄業務本學堂餘都幼穉均已頭角崢嶸將來蓬樸未可量
也詩曰有道曾孫書曰樹德務滋禮曰克昌厥後可爲公與孺
人頌矣余小子不敏愧不能文鄉君再三懇請又不獲辭爰不
揣鄙陋謹撮大概布諸棗梨永垂不朽云

民國六年歲次丁巳仲呂月之吉

族曾孫例貢生孔昭頓首拜撰

夫... 下... 曰... 曰... 曰...

... 曰... 曰... 曰... 曰...

人... 曰... 曰... 曰... 曰...


... 曰... 曰... 曰... 曰...

... 曰... 曰... 曰... 曰...

... 曰... 曰... 曰... 曰...

... 曰... 曰... 曰... 曰...

... 曰... 曰... 曰... 曰...



朱公鎮國傳

公諱鎮國字漢助一字光射文斗其譜名也世居皖蕪十連圩
之朱家墩 贈公清源前清之附貢生多隱德獨生公一子公
幼而穎悟喜讀書鄉前輩皆以偉器許既冠補博士弟子員是
歲宅 贈公憂哀毀骨立里人敬之服闋後益勵于學屢試秋
闈不第因絕意仕進世農業又以 太夫人春秋高亟謀色養
足不出里閭者殆三十年雖家無儋石儲而菽水娛親和顏婉
色愉愉如也蕪邑瀕江素苦水患公村居民朝安堵而夕歎其
魚者比比皆是己酉庚戌兩年罹禍尤烈公設法告貸工賑並

舉居民咸賴以存鄉里至今稱之乙巳變政清廷詔停科舉建
學校公慨然以開通風氣自任集款興學實力提倡後董本邑
方村務本學校事不數年成績爲一邑冠辛亥武昌起義人心
皇皇邑城不靖公亟請於當道創辦團防而身任十連圩民團
局事編制部署一本兵法隨機守禦無遺策附近村落卒賴以
安民國肇始城鎮鄉籌備自治時民智閉塞愚者旣闇於自治
義務黠者又假托名義魚肉鄉民公旣被舉爲東南鎮自治參
議員於是犧牲社會興利除弊勞怨不辭雖有忌之者捏詞誣
讒人則涇渭畢見人皆服其公正云朱氏故望族自經粵亂譜

牒失修族規已漸替矣民國二年闔族舉公爲宗相補苴缺漏
釐訂規程族事甫稍稍就緒不一年而公卒父老弔唁者咸不
遠數百里而來奠於庭感公之德也公性廉謹貌冲淡寡言笑
然志所不可雖大力者不能奪居家時耕讀兼課衣食僅給而
未嘗以刺干人其堅定如此及服務社會竭心力任艱鉅但有
關於公益者雖赴湯蹈火亦所不辭其熱誠又如此每值公暇
輒召集族衆勗以讀書立品之方與應世接物之道娓娓數千
言恆不倦嗣君之能世其學蓋有由也公生咸豐十一年卒民
國三年享年五十有四配許夫人子男二人長元愷邑優廩生

次元恪南京鍾英中學畢業孫一人名華璞今已岐嶷在日矣
論曰世之言救國也必曰教育而教育當自家庭始廉向與嗣
君元愷相友善繼又偕次君元恪共學四年觀兩君言論豐采
恂恂有儒者風知其淵源必有自矣及公歿兩君爲道其遺行
特詳而後知家庭教育公乃親食其報也嗚呼若公者殆能以
身教者歟

民國六年歲次丁巳季夏月之吉

清江寧拔貢署理山東新城知縣年家眷弟潔民張恪廉鞠

躬謹撰

邑庠生朱彬公傳

士之所貴者在才智尤在氣節天下未有氣正節高而無實驗
才全智足而無賞識者也我 岳父老大人諱彬天姿敏捷嚼
華咀英心胸磊落茹古含今本真不鑿瀟灑澄清慷慨敢爲寵
辱無驚其才智其氣節自必有 府之諸君子傳贊其實驗賞
識其懿行矣 不肖壻焉敢狂妄飾浮有玷玉牒乎然諭我遺言
提撕在耳追隨大概有可想像及之童年就傅器宇不凡誦詩
讀書一目可下數十行同堂肄業輩莫能與之方卽師亦竒之
以爲他日館閣中一人傑也奈厄於數奇未冠則椿萱彫謝紛

心家政而力學之心猶未懈痛加髮逆蹂躪驀地燒天携家子

女朝楚暮秦旬有餘歲迄無寧日雖運復中興妖氛四散而瓦

鑠蕭疎囊橐空懸而無補不得已棄舉子業而稼穡焉而貨殖

焉操心慮患何暇寢寐間端木先賢挂角負薪諸子如或見之

嘗自興嘆曰大丈夫之處世當建功立業而名垂不朽區區作

鄉愚庸俗者流不與草木同腐乎於是端士習學校以興之遵

古制易子而教之爰請本族 諱夢蘭師台其次丹徒縣 許

諱開傑師台卽欽點內閣中書 卽植材父也又其次本籍廩膳

生滕 諱治通師台卽歲進士 卽炳章父也所異者治通夫子與

我岳父素稱莫逆今作師東麗澤相資汲引心花而怒發自今
伊始竊北老泉赴試弋獲有志者其事竟成不數年貯看肖子
暨我 舅兄大人 卽湘巒門聯捷妙選丁年正是箕裘克紹輝
映又有鳳毛明德達人冠裳濟美非 岳父之才智兼有者乎
厥後蒙 府攝宗硯老先生欲 翁經理族務 翁屢推無能
不敢擅任翁雖未任族務其於同治年間重修宗譜於光緒年
間建造宗祠 翁亦晝夜奔馳殷情無倦任勞任怨矢慎矢公
在族如此在鄉之倚賴者不紀其數非翁之氣節正直者乎雖
然余何人敢記始末以贅疣於 府史之末耶然人生親有五

祖母徐孺人傳


璵先世素寒吉凶賓嘉多不能備禮先王父諱秦字名朝少訂婚于徐及壯貧無以娶徐公審知之卽薄具粧送擇日命以小轎迎歸畢媼三日先王父肩負于外妣莫知其徃且歸期未訂檢視甕中米不盈斗遍顧惘然家徒四壁僅敝絮一床妣竊喜曰此盍不足禦寒乎吾治生有策矣卽徹所來新棉熟彈而細紡之越七日祖歸則緯管已盈筐矣翼旦祖出汲于河妣以桶水在前者注缸在後者另貯祖怪詢其由妣曰擔後恐濁氣侵之祖忿其固少頃欣然曰新婦徹棉以紡可謂勤矣擇水以貯可謂介矣吾聞勤

者不貧介者不辱尚何內顧之憂哉彌月舅氏來省妣就所餽餽核具矣奈釜內之炊米不盈升何妣將鬻半掩徐舅旣飽莫知其無餘也匝歲歸寧舉家相對口不言窮歡然如處女時一日舅微導之曰窮如朱某何以爲終妣知其意卽面赤嗔曰有始者自有終何小覷若斯耶言未畢而祖適至卽同告歸援之莫止蓋自是而母民之庭終身絕跡矣居嘗夜紡不以燈至夜半後乃燃火爇彘而後就寢故所蓄較隣爲易肥焉嘗養鷺二隻輒夜獲四卵知者詫爲瑞緣是而家計亦漸漸肇興矣先王父捐館時已置腴田十八畝零先伯父與先嚴就塾議婚綽有餘裕先慈王孺人獲事

祖妣者十餘年夙勤劬紡績一視先型嘗痛祖妣疾篤盟神剗臂
誓以身代雖淑德本于性成抑亦思齋思嫺家法有自來歟嗟嗟
不以窮富而易其心不以盛衰而二其節卽以世之鬚眉男子且
赧然有愧而我祖妣以素封弱息適貧窶躬節儉室無交謫家底
餘貲佑啟後人以方昔之陶母少君當無多讓璵今者遲起而早
眠冬裘而夏葛每思前人積苦不覺泫然淚下敢以春露之朝光
忘寒松之勁節而視先世之艱辛若覩面目不爲道揚厥美乎試
思富貴而淫昏與貧賤而介節孰賢孰否孰劣孰優必有能辨之
者

乾隆庚午年仲春月吉日

孫璵謹述



意次錄之優於而厥夫州之賦辛苦勝而目不為道賦賦美平始
即交獎而夏感其無前入無苦不覺其然然不煩以春霜之時光
給其以短翁人以代昔之剛吾小耳為無是鴻慶令春賦賦而早
然然其然而廷脈以素持其思其貴其其其其其其其其其其其
不以讓富而其心不以益其而二其簡明以其之讓其其其其其
善以長介其其其其其其其其其其其其其其其其其其其其其
脈其其其其其其其其其其其其其其其其其其其其其其其其

施孺人傳副宋氏於氏媳楊氏附

施孺人者充之公元配也蕪邑劉公埠施公諱登之女少通曉孝經列女傳等書年十八歸充之公公諱輝與兄諱燾弟諱燼俱有才名甫弱冠卽補蕪邑庠生貢成均時父介卿公富於貲長子燾公年三十歲始舉一孫因是公娶孺人後卽爲置宋於二側室未幾公病孺人齋戒焚香籲天求伐如是者再四及病革公謂之曰知不起矣汝成吾志孺人泣曰古有共姜亦一女子耳吾終身願效焉復囑二妾曰脫有不幸早出事人二妾亦泣曰終身願侍主母遂逝孺人撫棺長慟幾不欲生立燼公子諱思義爲嗣三人朝

夕泣血含淚撫孤每念夫子素負重望未獲大成殷勤課子倣古
 和熊由是義遂成國器遊邑庠蘄大有所就以報茹荼之志而又
 旋卒嗚呼天之報施竟安在哉配楊孺人蕪上舍楊公灝女也生
 二子長太學生諱選次省祭諱舉側吳氏生一子諱聘偕姑矢志
 孝敬不衰邑當事者旌其節俱採入邑乘云
 萬曆甲午年孟秋月穀旦

從侄孫應慶頓首拜撰

故謝人謝爾未及就月餘時月創

朱門吳孺人傳

歷古逮今遙遙數千百年間人之傳者無幾其爲婦德之可傳者抑又少也如予族姪女其德其行皆卓乎其可傳也女父奎先夙秉淳謹女生數齡父教以閨範內則諸書及節義事輒竦然敬聽其天性也年十六歸朱諱定祚敬執婦道無缺善事翁翁喜事姑姑喜宗黨罔不曰賢言及之未嘗不稱佳婦予亦快侄女之能成立也生子鸞五歲卽藁砧見背姪女擗踊垂死者至再絕粒數日勺漿不入口有諭以死易撫孤難始強啜糜粥蓬首垢面嘗曰爲婦不幸而寡忍復苟活何自比於人數守貞幽閨中跬步不越闕

暨子成立且娶婦生孫二人其綜事度理一依母氏經畫予侄女
時顧之少慰然瞿瞿之念未一日忘茹藥飲冰躬織紉不自寸晷
逸每冬月忍指縐裂紡聲恒達曙孳孳矻矻懼墜先人緒以爲夫
君壤下慙嗚呼夫以一婺婦而屹立家聲豈尋常微行耶予固知
侄女之行其爲必傳無疑也昔魏國夫人之賢廬陵自傳之高陽
齊人之賢其嫡嗣請於荆公以傳之然則傳予姪女者或後人自
爲之或告於當代名公偉人代爲之自是揀券必者茲值其族家
乘告成因卽意爲言以垂於後云

乾隆庚午年春月吉日

吳璟侯撰

朱母王芮二孺人合傳


太親母王孺人年十六適長太親翁歸生公敬執婦道無缺善歲
己未公卒孺人年二十有八僅生一女適陶父母強舁歸諭他適
孺人矢志柏舟四太翁祠生公長子銳繼嗣訖無能撼其志因此
與家母絕聞問數十年食糲衣粗晝織夜紉助興家業孝事翁姑
以婦而兼子歸生公三弟雲鶴公就塾孺人竭十指脂膏爲助脰
脯需卒年六十有九距歸生公卒之歲四十餘年瀝盡心血太親
母芮孺人祠生公淑配年二十餘公攫篤疾孺人部署藥餌踰年
衣不解帶食不甘寢不安及公卒孺人痛哭呼號踊絕數四勺漿

不入口慰之者曰如此則從夫死矣汝固心甘矣第長子銳承祧
王孺人有寄其若次孤鑑何乃強起一溢粥垢面毀服守貞幽閨
中慎出入禁笑語永終無媿嗚呼是不均爲苦節而貞者乎迨三
太翁與二太翁嗣翁進先分異各居兩孺人合爨同事偕老無角
聲兼相勸戒以正業勗二翁長翁銳字爭先才能出衆德望鄉評
次翁鑑字輝章和易近人正直不阿孰非二孺人教誨之功有以
致之耶鑑翁繼王孺人卒銳翁又繼鑑卒今芮孺人七旬有八目
睹諸孫繞庭皆英英露爽而繼梁尤潛心力學慷慨有志論者稱
貞報不衰芮孺人卒乾隆庚午歲十月二十七丑時晚黍屬至戚

知二孺人甚悉于其修家乘也卽二孺人之德述其節行如右倘採風者藉是請旌其門則余言固以兩孺人傳矣

乾隆庚午仲春之吉

年家姻晚生王有岱頓首拜撰



家其與乎生一子名之... 氏朝父憂泣... 比... 內如焚... 驗若死...

王為人有寄其若次孤館何乃

中懷出入禁笑語永終無婉嗚呼是不均為苦節而貞者乎迨

太翁與二太翁嗣翁進先分與各居南瑤人合與同事街老無角


聲兼在物形以正業助三翁去必致學事久乃能世為得計

次翁能守規章和易也人正 淨室默觀書王詩尚賦首我難

彈劉夷于中春之吉 人必無窮又相繼平今故為人七旬不

將風香蘇昆請致其門限余言固以兩齋人勸矣 惟不見請字

映二齋人甚悉午其赴案乘出唱二齋人之齋故其餘亦賦



黃孺人節孝傳

嫂黃孺人黃公道生之女余家小四公支下沉如兄配也自幼端儀度以禮自持出入言動未嘗少苟幽貞之性其夙具也年十八歸沉如兄荆布操作力勤儉翁姑喜相謂曰新婦如是吾家其興乎生一子名之章未幾而沉如兄忽抱病慙慙床第嫂氏朝夕憂泣虔禱神前冀三生石上得永遂偕老願而豈意遽比翼分哉時嫂氏年僅二十餘也夫歿之日嫂氏撫膺慟絕五內如焚比已不欲生于人世矣勸者咸再三謂舅姑衰老子弱齡若死殉則所天九原下目轉不能瞑迺起治喪事卸服飾勉


從衆諭自稱未亡人厥後家稍貧落嫂氏夏績冬紡易升斗自
給雖至艱難萬狀無怨言其事舅姑也先意承志曲得歡心臥
病則侍湯藥扶持撫摩罔不備至卽夜漏深沉呼之未嘗不在
側及居喪誠信盡禮宗黨莫不嘖嘖以孝稱之教子章慈而兼
嚴雖愛如掌珠有過必令跪而答之稍長卽遣出就外傅凡膏
火支給悉取辦十指遇有文行兼優之士則款禮畢致咸謂有
陶母風居孀閨嚴肅整飭聲跡不輕出捫外終其身常帶戚容
冰雪心腸雖死者復生可剖而視也年六十一歲子章善承慈
訓能恢廓先緒孫元淳名列成均與其季元銳並邀二稱難皆

賴嫂氏遺澤云前郡守許公採與論旌以扁曰節操松筠乾隆
丁卯余偕族入合呈邑外翰虛舟陸公申請建坊今綽楔巍然
矣

特典榮殞永昭不朽更用筆諸譜牒使世世子孫展卷卽知嫂氏
節孝之實也因叙次根概無溢詞焉

乾隆庚午仲春之吉

從弟攝宗兆鰲拜撰



病則侍湯藥扶持操摩罔不備至即貧而辭求烹飪豈不在
 掉劉夷子中春之吉禮宗黨莫不噴噴以享稱之教子章慈而兼
 簡率之實也因除太尉璽無益隨無稍長即遣出就外傳凡有
 執典之隆衣罔不陳更出筆諸諸難勢也世于私親家門以數次
 矣其居處因成蕭瑟飭聲其不輕出相外終其身常帶威容
 下服余嘗越人各呈為不歸也決望公申簡裝世令縣封終終
 歸歟九數羣主前服衣指公對與歸我何贏曰簡莊林聲清

奉

旨旌表古處士朱行生之妻羅氏節孝坊各

憲看語

儒學


氏歲早喪夫家貧苦志事姑天作鏡撫子淚如丸心可

質於黃泉節已昭於春穀何慙盛典應請題旌

縣

氏鏡裂青年心皎白璧方其侍疾屢欲捐軀及至靡留

遂爾殉志婦以代子庭前菽水躬親母直為師膝下詩



書手授一身三世萬苦寸心芳聲已舉宮牆素節應申

鳳闕

府

南陵縣已故處士朱行生之妻羅氏念更飛之不忍慘


比衛瑜悲連理之難同情深馮墓操歷艱屯而愈厲節

較金石以彌堅理合榮旌候文申奪

藩憲

節婦羅氏秣駒初賦黃鵠旋歌釵折中途杜宇血乾啼

倍切身閔數世峽猿腸斷苦偏深勁節直可維風殊恩



李孺自當彙請

撫憲

節婦羅氏矢志自二十初齡清操經數十餘載念老姑
之解救收淚承歡痛弱息之伶仃含悲畫荻女宗克立
婦德無慚節已樹於南邦典宜隆於北闕

乾隆庚午仲春穀旦

胞姪文彪謹述



韻致文韻新啟

淳劉夷子中春錄且

敬辭典淵酌旨樹

文與地如題永

韻音韻韻耳天

無意即婦羅氏

音韻真韻數世

李孺人傳

孺人姓李氏下坊李興公之女李世崇家訓卽教女亦本內則言
孺人少侍父母膝下規撫卽淑慎其父母喜謂異日必無忝門楣
及笄歸懷翁朱表兄時堂上舅余姑丈大人性最嚴見孺人儀止
端莊輒亦喜曰是真可婦吾兒越次年舅歿懷翁上有二兄丁外
艱後屆康熙戊子己丑奇荒遂議析箸懷翁故篤義孺人亦極有
同志無所較懷翁自幼刻志讀書遭姑丈捐館舍出兼外事賴孺
人經營家務條理無內顧憂故不得間其志歲癸巳伯表兄復卽
世仲表兄喜閒靜不肯與外接時族里望盛推懷翁因是己事兄

弟事及伯叔房事族事俱叢集懷翁一身懷翁晝應酬晚坐篝燈
下勤學業功課孺人挑鯨甲紡績中宵共相勸勉事我姑母極孝
謹自甘澹泊姑膳必豐潔裨中旨未嘗缺焉又其時懷翁經族里
務輒費己財出飲食甚至他人己私事亦多屬其蔭下逐日間家
杯箸不少輟孺人司中饋無間言以故侯懷翁者羣歎其得內助
賢不置諸口年三十歲未育子孺人日夜以夫後爲念勸令更置
室懷翁初猶不欲決其後再三言曰事夫子十餘年則亦旣不育
矣宗祧事大毋久虛似續乃娶吳孺人閨中聚處甚相愛康熙戊
戌舉一女壬寅後連舉四子孺人喜時刻捧抱如腹出兒啼則抱

至吳孺人處吸其乳畢仍懷之諸子幼時幾不自知其爲吳生也
吳孺人母太君晚年子喪懷翁聞耗函自往白下迎之來孺人以
母事之視膳具問襖寒偶感恙卽不俟懷翁及吳孺人計備醫藥
痊可乃釋先是懷翁未得子時并艱於名孺人唯勸其努力且信
夫子生平所行多善全人無毫髮不可質鬼神名與子必兩得之
歲辛丑遊郡庠隨迭產寧馨果如孺人言因益自樹德凡遇問困
人輒不欲虛其返懷翁素慷慨得孺人從懇益備他人緩亟雍正
丙午大水明年春人心沟沟朝夕不相知奔懷翁門者日幾輩懷
翁卽己囊羞罄必代爲謀孺人更出簪珥衣服予其人使質諸典

償與不償不計也時我姑母壽八旬年老人心愈約憫時艱難每
戒家人節膳孺人曰姑豈能兩八十哉豐腆如其故是年十一月
姑歿待妯娌和敬兼至雖異爨火猶懽然一家素勤儉不肯耽半
刻暇助夫創業致素封里中稱甲戶治家更嚴密中得大體懷翁
舉族搆宗以公正爲人所重凡族下大公及本支下諸公堂皆懷
翁手理有所積輒貯懷翁家懷翁付孺人收掌卽逾數年月後取
分列各件不少亂而已私鈔錢或反狼藉給用度不錙銖問也課
諸子效古和熊志長以敬余壻也貢成均次國學生以忠以文次
以信皆倜儻其不凡器女適國學周肇錦諸孫俱幼然已嶄然見

頭角余與懷翁以舊誼而兼新戚孺人行實先多從吾姑母得聞
後來小女歸亦復爲感頌不已因備識之卒于乾隆己巳正月距
生康熙丁卯享年六十有三今其族譜成婚以敬前余請曰悉先
嫡母遺行者莫如岳大人敢乞一言垂諸家乘余惟賢淑如孺人
誠不可不紀以示將來也因按其生平次爲傳如右懷翁懿行甚
多吳孺人亦具令範文各有指不便贅叙

乾隆十五年歲次庚午林鍾月之吉

年家姻教弟張志遂頓首拜撰

或家人俗語謂人曰姑豈能中寒歐姓并熟者蓋此



博翻亦正平微大夷平林戰民之吉惟然一家素勤儉不肯就

終失備人布是會雖文谷亦薛不更續添更嚴密中得大體慎

知亦知深理以示微來此因起其主平太為樹陳亦對餘強替其

微影歸谷香凝賦賦火人銀法行昔慧前察察者費財賦歸人

坐銀照何即享平六士存任今其勉猶如賦以婚所余歸向悉成

勢亦不文親本斯發想融不月因當端以卒于歸劉行日五其

類似徐與變存以舊韻而較微銀票人鈴實此必發吾故以歸

俞孺人傳

從來女之善事翁實由於善事姑而姑或一繼再繼事之如一則尤其孝敬之天性有過人者於此克盡厥職自足以相夫子和妯娌而垂型侍下矣余每憶媼臺佩瓊公爲余言令妹大有天性孝德彰焉余始聞而愧之夫妹氏爲吾季父長女過府時不逮事王姻母所逮事者李姻母也已而又事劉媼母後先肅恭姻母皆喜竊以爲佩翁之稱妹氏者此足以當之矣妹丈彝銘屈志成均而有才望公私事多就之者而且延師課子若孫皆妹氏中饋修嚴殷勤內助若乃無疾言無遽色無舍業詩云終溫且惠淑慎其身

惟其有之要以有孝德故然耳迄今七十有四歲妹丈康健甥以

下四世一庭未必非天之所默相我妹氏也歷春捐帨余不忍其

久而就湮故述之而潭府適理宗譜云

乾隆五十九年歲次甲寅孟冬之穀旦

八十四叟兄俞光祖頓首拜撰

...

...

...

命脫人初

徐太君壽序

高祖母懿行烏乎悉顧母壽已丐名公陶煢言矣歲正旦焚香玩
讀彙曾記其畧曰孺人生平綺羅不施紡績躬親姑病久不痊日
侍卧側奉飲食進湯藥懃懃懇懇且憂戚無人地涕泗傍沲並默
禱竈君願以身代 昔明太祖治天下馬后每遇上怒回宮從容
諫曰今 上子衆正好積德毋致天下人冤枉 安翁攝理宗政
秉法嚴明孺人嘗勸曰君當濟以寬仁 孺人視馬后無多讓焉
然則儉勤孝慈 高祖母固一身兼而有之陶公稱祝又奚愧茲
烟火後壽言與焚 高祖母懿行彙敢頓忘哉不獲已譜訂成書

鄧孺人傳

婦爲巾幗之完人者有實則無傳不徵無傳則有實不永 姻母

鄧孺人端儀度肅貌容出入言動未嘗或苟幽貞之性乃其夙具

以爲必傳無疑也年二十歸 親翁朱公玉年生子二攝振攝早

世振字如茲余兄德馨之壻也年甫三齡親翁去世孺人矢志柏

舟祇以撫孤爲願其時家道故不厚孺人衣粗食糲每冬月忍指

縐裂紡聲恆達曙恐墜先人緒以爲夫君壤下慙嗚呼夫以嫠婦

而克立家聲其節操爲何如哉卽侄坦如茲綜事度理一依母氏

經畫漸致豐腴外男孔美兆和輩俱持身以勤彬彬有度又孰非


孺人德澤之深有以致之耶余叨至戚知孺人甚悉

潭府修輯

家乘因叙次其壺範敢忘固陋以附譜末

乾隆甲寅年仲春之吉

姍末崔宗浩頓首拜撰



樂陶齋人


奉左公馮孺人節孝傳

伯母馮者故處士 奉左伯配也生名門嫺訓誨節孝慈成若天性于歸善相夫子尤善事翁姑且體翁姑志從容勸夫曰夫子勉旃翁與姑期望果焉屬哉敦學問功名中人修心性德行中人兩大人期望諒已微窺矣愈加進焉可由是 伯矢志彌篤操持彌慎學問日進高明心性日幾純粹而 母從容者勸如故可謂識大體矣然千古有不可解者天以敦學問修心性如 伯竟不獲遂志以終考 伯仙遊之日正 母廿七之年呼號悲哀願從地下以報所天因之飲食自絕者數日死而復蘇者再三姑撫而慰

曰傷哉婦也翁已知爾事我兩人若父母然相吾兒若敬賓然足
徵識大體也昨者翁歸望爾終守喪制不徒井臼操絲麻治裳衣
浣飲食宜已也今從兒地下節誠烈矣其如吾年衰何其如藐孤
伯纔幼學仲止數齡季尚在襁褓何惟時母敬承姑命始留此未
亡身求盡孝慈道雖姑心嚴明家庭繩以禮法少壯凜乎莫犯子
媳中一有言辨并連罰跪中庭分別督責惟 母克左右承事終
姑之世無一拂鬱至年八旬遐昇終守喪制若乃翁然且 母孝
篤翁姑者尤慈篤子孫力勤守約尊師重道望厥子成亡父未成
志無忘乃祖訓所以母之子長曰謝廷次日治廷三日盈廷均出

就外傳業詩書崇儒術由冠而聘而娶而就試應選共賴母氏
經營他勤苦無論矣而終以未速死爲恨挨一日月增一涕淚淚
盡血繼故精喪神耗而晚喪明其形類乎未成人者其道實全乎
未亡人也 母節孝慈如是鄉縉紳 邑賢令嘉乃懿德已誌請
旌以光盛典初乾隆甲寅房修草譜議定傳贊併沐奎湖侶鏗王
先生爲 母作傳惜功苦倉猝本末未詳茲譜告成 母孫名繩
武者余契侄也其精進正未可量向余請曰捧讀 祖母原傳痛
多遺漏煩加斟酌爰不自揣稍爲修飾庶按之無溢美云
道光元年歲次辛巳仲夏之吉

房愚侄衣黠頓首拜撰



大士公王孺人節孝傳

孺人王氏者乃中渡諱大士公之德配也年甫二旬有餘生男週歲大士早喪孺人誓志守節之死靡他其苦節貞操縣志雖紀而未盡詳焉夫孺人由孝而節而義者也于歸後奉事舅姑凡饋酒食進膳羞奉盤執櫛諸職事悉以身任弗辭其克敦孝道有若斯者厥後大士病篤幾死者數矣孺人躬侍湯藥晝則輾轉左右夜則寢不成寐如有年奉大士以善終守志撫孤備嘗艱苦無事不親至柩外宗族鄉黨非至戚未嘗親與交言其內德之克謹雖古貞烈未有過也至其處妯娌也巽而和御羣下也柔而謙敬老

字幼周急恤貧不亦可謂義與若夫家聲丕振堂構因之益崇基
業因之益廣雖曰諸伯叔之經營盡善然未始非孺人有以相厥
成矣卒年六十有八訓子成人代夫終事嗣君克自樹立諸孫濟
濟繩繩嗚呼非天之報施善人不爽也耶茲適家乘告竣以孺人
之德足光史冊而爲斯世法遂誌之以垂不朽云

道光辛巳年仲春之吉

年媿晚生俞篔成頓首拜撰

大士公王壽人簡卷

必輝公彭孺人節孝傳

伯親母彭

孺人乃繁邑太學彭公

蘭友之次女卽伯親翁太

學朱公

必輝之淑配也年二十餘歸朱府翁先姑逝越三載產

家君舅兄

大縉不圖縉兄甫三齡而伯親翁捐館爾時

孺人

痛哭墮地幾瀕於死勉從親族之深勸用表喪禮於未亡由是郤

葷腥終茹素事孀姑至孝養送兼任撫幼子成立名列明經此固

足徵

孺人養以兼教之功也嘉慶元年邑建

大成坊

縉兄

與余共襄厥成先期過潭歛費無論早晚登堂必精潔杯盤不肯

狼藉此又徵

孺人待賓客必以禮也丁巳歲

孺人恐祖骸暴


露命 縉兄延地師卜吉穴安先靈真女中丈夫能人之所不能
不更徵 孺人之孝思無窮乎夫茹荼勵志厯盡冰霜宜享菽畫
熊丸之報奈何 縉兄不錄忽於丙寅春正瘦疾以終是昔與孀
姑幼子相依爲命今又與孀媳孤孫熒熒孑立而謂 孺人能不
潛焉長慟乎適是歲修邑郡兩志敬 奉恩例現年守志之婦果
係貞節准與已請 旌者一同載志余與貴族及諸鄰戚素知
孺人守志已三十八年而且遇是非容之不較其事借米穀予之
不問其人一世茹荼清操烏能湮沒據實呈請 師臺申詳賞給
匾額承 學憲戴大人以松柏同心獎之 孺人其真當此而不

愧乎茲值 尊潭修輯家乘欣令孫正銓名列成均亦董厥事余
叨戚誼不揣固陋爰將 孺人生平所歷苦節一一述之庶與郡
邑兩乘並垂奕禩於不朽云

道光元年歲次辛巳仲夏月

穀旦

姻末壽山盛士祺頓首拜撰



Faint vertical text columns, possibly bleed-through from the reverse side of the page.

士彰公盛孺人傳

岳母盛老孺人者庠生盛公諱於澤之女也幼承父訓聞內則列女傳諸書凡孝敬節義四德三從莫不聽而凜之年未及笄歸岳父大人諱士彰公婦道無缺善甚得翁姑歡至助岳父大人紹箕裘習經史腹笥便便雖未見售實不愧豪傑士暨乾隆戊戌歲肇生一女閱一載岳父年方二十有二岳母年當二十四是歲庚子秋七月十四日岳父大人遂捐館焉岳母慟哭欲絕已不願復生人世矣勸者曰翁姑衰朽風燭可虞况有遺孕可望胡爲喪過乎哀以故含淚洽喪事勵志守貞及來春正月幸


產一子孤苦零丁殆如一綫耳於是矢志彌堅批田業謹閨幃忍
饑寒勤紡績老者養之以婦而兼子幼者撫之以母而兼父數十
年間老有所終幼有所長家聲得以不墜迨完節流芳鄉里咸欽
載邑郡誌宜其謝世時沐手焚香整衣端坐得正而斃焉厥後子
克家婦修饋長孫纘緒次孫金蘭慇懃誦讀熾昌可卜皆 岳母
之盛德所致也至于壻也誼屬半子有黍東牀素蒙明訓謂爾
岳父讀書稽古有志未伸爾須青雲奮進有光門楣惟是囑女佐
讀令壻由採芹而入貢者又莫非賴 岳母之警覺有成也則
岳母之嘉德懿行壻所得于見見聞聞者忍曰有美弗傳哉茲當


族修家乘應舅兄囑因據其實而錄之

道光元年歲次辛巳仲夏月

穀旦

子婿崔鎮朝頓首拜撰





人之表姊夏孺人傳


世之揚人善者徃往好爲浮詞以相貺而于其人之實行無一二語及之則言愈繁而晦愈甚予于表姐夏老孺人則不然孺人乃朱殿魁表兄之尊壺而予姑父夏公偕孟之女也昔姑母終天孺人甫三歲予姑父設帳于外缺撫字因就養于吾家十九載予襁褓時携持每多賴之凡孺人之好幽靜笑言克遵女規在予舍長老輩至今猶稱藉不止云迨至嬪于貴府孺人之舅姑又予之姑父母也孺人之朝夕服事予雖未獲恆見而竊聞貴里居之以孝順稱者頗無間矣又若予表兄承家之初猶未甚丕振厥後堂構

則爲之益宏菑畲則爲之益擴此固表兄之心力兼營所致要之
釵荆裙布勤苦持家其所得力于孺人者亦不少孺人生男二長
子政初業儒今八月間幟奪虎闈榮叨上國次子敬年雖尚幼而
文思浩瀚甚屬可造二子之業師係予之契友嘗謂予曰以理論
二子之上達也必矣至詰其所以然之故則曰其父嚴而并聞其
母甚賢待師之忠且敬凡此皆孺人之實行予所深羨者也可憐
十月十二日孺人仙遊奈喪事倉猝予不及誄心竊傷之迄今適
聞潭府之修家乘告竣不禁歡忻鼓舞切實直書文雖謏陋而孺
人之生平或可卽是想見云爾

皆

嘉慶三年季冬吉日

年表弟秋亭徐桂拜撰



紫陽龍潭朱氏宗譜

卷三

夏瑞人傳

二

紫陽龍潭朱氏宗譜

...

...

...


...

...

...

...

...



及元公淑配魯孺人節孝傳

嘉慶乙亥余設館於強從余遊者不一人若朱君遐齡四子殿賓
余之內姪婿也聚首三年頗相契課餘每以其曾祖母生平爲余
告余因是得悉孺人之節孝孺人姓魯氏繁邑名家女父諱書明
號繁陽素崇節義嘗教以孝經內則諸篇輒竦然聽受幽貞之性
孺人夙具矣年十九歸佩公字及元敬執婦道善事舅姑雅能得
寬生翁與王太孺人懽王太孺人卒繼事張太孺人無間言在諸
妯娌中稱最賢舉子二長席珍公次子臘公維時佩公憤志詩書
雪窗螢火雖漏深孺人必奉事惟謹佩公病孺人日侍湯藥衣未

嘗解帶寢未嘗安枕焚香默祝以求神佑者無算及至逝呼天搶地捐軀者再勸者謂舅姑老矣若死殉其如此二藐孤何不得已勉留殘喘強起理喪務自稱未亡人然皤皤在堂呱呱在抱孺人適當其窮而乃夙夜辛勤夏紡冬績惟恐寸晷逸無以供甘旨以故視膳潔飪終未一日懈含淚撫孤縱愛如掌珠慈而必繼以嚴蓋深懼督責少寬箕裘立墮云父道母道孺人其兼盡哉古人剖股療姑和丸教子孺人善學古人耶迄乾隆壬戌歲翁姑同疾朝夕持扶憂勞備至詎季秋翁沒仲冬姑亡未週三月一堂兩樞當此大事在丈夫子且有未遑孺人乃一一爲之盡厥禮自是遇益

嗇焉境益艱焉然猶曰食貧所素安也迺歲次丁亥洪水橫流已
悲荒歉越戊子隣家回祿殃又及之至己丑更遭圩碎三年之內
蹇難頻仍嗟乎櫛風沐雨飲雪餐冰摧折百端孺人心血瀝盡至
晚年而依然無盜日也孺人一生真辛苦備極矣孺人節孝亦真
毫髮無遺憾矣吾聞善無不昌席珍公敦厚溫良敬愛彌篤德配
劉孺人卽余敝戚又昇姻伯女亦勤謹柔順孝事孺人所謂貞報
不衰者非歟且四孫繞膝並磊落英多如次孫遐齡諱必祥節儉
持家尊師教子其爲人可想見已曾孫八九類頭角崢嶸若大轅
者尤倜儻非常與殿賓最相友愛凡此皆余之目覩者也孺人其

昌厥後乎今其族重修譜牒殿賓前余請曰悉曾祖母之行者莫如姑岳父敢乞一言以垂不朽余思節孝如孺人不可不紀以示將來也孺人享年七旬有九居孀五十六載嚴出入禁笑語肅內外終其身常帶憂容古井寒泉真人世之所未嘗其不使天下婦女聞之而痛哭流涕者幾希戊辰歲修郡邑兩志赴學詳報蒙學憲戴大人批示青年守志苦節彌堅合請旌揚以彰風化因給匾獎之曰徽流彤管然志取撮要傳則宜詳是傳也雖言之無文而謹紀厥實俾世世子孫展卷卽知孺人節孝云爾

道光辛巳年八月穀旦眷姻晚生歲貢生張錄徵頓首拜撰

月恒公淑配俞孺人傳

俞孺人者大舅祖朱公諱杰字月恒之淑配卽俞公鄉飲賓諱鉅

媼伯曾祖之長女也芝年幼孺人之賢烏乎悉惟嘗聞諸家祖母

稱道者最切孺人未歸時年甫十三齡遂知割股療父非少通孝

經列女傳等書安能若是及十六歸我大舅祖孝翁姑和妯娌敬

夫子佐讀無間寒暑廷嘉賓杯盤不肯狼藉其賢而多能有如此

大舅祖篤嗜詩書日邁月征始因苦志芸窗染疾難起繼爲功名

未就而抑鬱癯疾幾革乃孺人籲天求代甚至割股和藥得以全


痊者一而再其事夫如事天也尚所謂女中丈夫非耶至舅祖母


與祖母雖姑嫂也儼同胞姊妹焉其情真誼篤爲何如幼隨祖母
踵庭尚未知孺人賢德及長而得聞祖母述孺人女箴閭範者真
世不數數覲也丙子秋闈芝倖得售拜謁尊潭舅祖母惟惜大舅
祖捐館不獲親見而更謂芝曰子今獲雋幸矣子嚴君若留在日
當不知如何悅豫芝聞之不禁厯我罔極思也聽其言而愈信其
行丁丑會試未售留京數載已屢書請安不圖今夏初得與祥表
叔尊函一閱乃知舅祖母已捐帨芝不勝悲悼承諭修家乘囑爲
先慈作傳芝愧不能文又不敢辭爰卽素所聞家祖母稱道者聊
爲表述以俟異日採風者輯之邑乘並垂不朽焉云爾

嘉慶二十年歲次庚辰仲夏之吉

賜進士第翰林院更名士霖任長蘆鹽運使

外孫陶青芝頓首百拜撰





祖捐館不幾親見有吏謂之曰子今獲符幸矣子美君若國在日
 當不知如何預豫受問之不若履我罔極思也聽其言而余有
 行于北會試未幾留京數載已與書院交不與分毫利也
 叔尊而一國乃知身處已極
 小宗祠青芝題首百
 顯我士豫會林訓更余士烈王其蓋盛賦也
 嘉慶二十三年歲次庚辰仲夏之吉
 乘此重不刊之云

謝廷公馮孺人節傳

公諱楷字謝廷伯祖者德配馮孺人也霖豈漫爲傳傳哉顧霖聞
在昔者今實有不忍愬也霖自舞勺時見母黃髮台背以爲母享
壽最高詎知母勵節尤苦憶逢 皇恩旌節先師伯邑庠生諱

幾字衛賢公命伯母孫要曰爾祖母余伯母也爾祖父逝世爾父
固幼家亦素寒爾祖母含淚撫爾父志數會祖母可謂松勁苦節
茲幸 省修誌爾祖母不誌烏乎可以故霖聞在昔今譜告竣節
應列傳實不忍愬爰述之嘆曰賢哉一馮伯祖母節比松勁節誰
伍愈寒松愈勁愈寒節愈苦霖今爲傳霖作歌歌母節歌母壽歌


母松勁森森榮千古

同治五年歲次丙寅仲秋月之吉

泣幸

省勤請爾脈母不藉為平何以姑

侄孫霖謹述



固心察亦素寒爾脈母含慈無爾父志變會脈母可贈林徑古情

幾字爾寶公命白母將要日爾脈母余白母出爾脈父遊世爾父

壽景高萌狀母調翰伏苦勸教

皇恩敦請夫祖白母率主篇

弃昔昔令寶育不忽賦世兼自鞅於相泉母黃婆台省以爲母享

公勤贊字懶我白脈皆慈酒燕無人出霖豈憂爲勸勸結願無開

懶我公無無人勸勸

陶孺人節傳

孺母陶奎湖國學鴻漸外公女卽二叔諱載號宗禕公配也育名門佩庭訓敬戒孝順孺生而後時固未知孺何若迨產兄酉字繼申配又外公孫女也兄數歲叔捐館號呼悲哀孺少不省事亦未知孺母何若雖然孺母貞節孺竊幸得聞師命孺憶就家塾堂伯文庠衛賢公霖業師也公曰爾二叔讀書足光門楣惜勿延齡爾二孺青年守志松筠節操應請題旌今幸 邑侯王恭奉 上憲諭修輯省乘因諭各鄉紳士採錄節孝爾二孺余當具保結狀申文等費爾對爾父說且曰微特爾二孺節不可沒爾二叔雪窗

螢火玉樓卒召亦可藉稍慰平生願霖謹受命稟告霖父父曰爾

二孀師若結保爾二孀貞節奉旨邑建總坊並名列省乘永垂

不朽牌入孝祠俎豆千秋爾二叔有志未逮死在九京實與有榮

光家縱拮据義固有莫敢辭爾敬覆從先生命可今家譜造稿賢

能節孝應列贊傳僉曰爾兄繼申謝世爾勿能爲傳以傳之又烏

乎傳以故霖思孀母貞節邑雖申錄省乘今不爲傳家牒未詳

孀節恐弗顯著今欲爲傳簡筆久疎姪學且本謏陋若假名公巨

卿廣引徃古節烈以爲生彩毫端觀其紙上冒濫直不如廢筆今

又何敢妄請贊一辭不獲已只得縷述孀母載乘緣由繕寫附于

螢火玉樓亭召亦可藉精感平生願霖謹受命喪

二婦師若結保爾二婦貞節奉旨邑建總坊並名

不朽牌入孝祠姐豆千秋爾二叔有志未遠死在九京實與有榮

光家繼括括義國有莫敢辭爾敬覆從先生命可今家譜造稿賢


能節孝感列表傳愈曰爾兄難事謝世爾勿能為傳以傳之又烏

乎傳以故集思婦母貞節 邑陳申錄有 今 劉民霖 載 永詳

聞當玉半遠穴甲午孟春之吉久疎好學且本訪陋若假名公曰

卿廣引往古節烈以為生彩毫端觀其紙上骨溢自不如處筆今

韻誌末云 前贊一辭不獲已只得縷述婦母載乘緣由錄附于



壬戌春思少男三順囑祭亡室蔣氏文

嗚呼妻其無知耶妻其有知耶無知有知余終不得而知慨自
汝于歸時年十有三余母染癥病日侍臥側奉飲食進湯藥朝
夕慤懃年雖幼已知敬執婦道他若躬勤紡績佩祖母 汪訓
而孝而順而敬潔必當有頌不叙非畧也無庸瑣瑣贅惟弟槐
與余分爨余未能負薪行止堪灑掃順甫離提攜而三順尙屬
襁褓饑饉薦臻天災流行饗殮不濟是用隱憂汝固大費焦勞
尤難忘者 先皇咸豐十年八月廿日汝病亡實由九年正月
小兒三順被賊捉去晝啼夜泣抑鬱所致耳且三順之被賊捉

去爾時妻怎肯撒手三順曰母不必如是我救燹兒我始不能
脫身母放我去罷何必如是受苦而死無人知斯言也妻啼哭
而述余聞知安得勿爲憂戚肝腸碎裂耶今者氛祲掃蕩歲序
流更追感時事不勝抱痛爰率合家謹薦時食伏惟

妻靈速佑三順得歸便回歸免使余思三順而痛汝且思汝而痛
三順耳若是則余願慰卽知汝亦可含笑九京清酒數樽聊表
微忱汝而不昧靈其知之乎否耶

閱亡妻卒月痛念成咏

不與同偕到老年余今痛念問蒼天胡爲降下無情劍斬斷

人間結髮緣 又 痛念余妻若見時昏迷不覺問何之醒

言勸釋和容語一句一悲一淚垂

望三順兒歸


三男一去幾多年奪地爭城到遠邊兒若有時歸

上國誰思旌表我門前

同治丙寅年孟春

穀旦

霖 謹書



世身身故及夫天福何必如是受道無光無入知新

而進余其無交符勿使歸或可期得製則令者霖霖書誠

同命丙寅年孟春


主國籍思其妻先開論制對免使余思三願而願效且思汝而痛

三民一法其本中氣而等效而身後身其言制補數博聊衣

言其聖三厥良誠其制之

言其聖三厥良誠其制之

八間深變漸之及余贏念余妻若長却昏幾不實開而斷



許孺人節孝傳

許孺人者余族伯祖立人公之淑配卽余族曾祖攝宗硯田公之長媳也孺人性天醕厚容貌端莊自齟齬不嗜粧飾里黨盡人知之于歸時得堂上歡恪遵姑訓和睦妯娌中饋修嚴杯盤清潔服事翁姑時間有缺奉養之資預勗夫子以購備之或閭里有紛爭者又勸夫子以排解之洎咸豐七年粵寇盤踞干戈擾攘附近村落皆不可居孺人奉翁姑奔竄避地至犁頭村疾趨倉皇凍不可忍一日爲翁回家取衣適遇賊拘倒懸拷索百端輾轢忽焉繩斷墮地幾瀕於死旣而寇退漸蘇匍匐逃避真

如脫網就淵矣八年春寇又逐至寺湖孺人三叔順被擄姑遂
晝夜哭泣慘不忍聞以是抑鬱成疾而孺人躬侍湯藥日則食
不安席夜則日不交睫有時腹痛則舉手捶之有時口渴則奉
茶飲之寒暑無間如是者有年十年秋姑捐帨孺人佐夫子以
殯殮喪祭稱禮同治元年亂定歸里宗室蕩然正思撐持門祚
不幸夫于是歲捐館痛哭呼號踊絕數四視其形幾不欲復生
人世矣衆皆勸慰曰尚有燮兒一綫綿延訓育成人代夫終事
生猶愈於死也徒以身殉何裨乎孺人乃抑情制慟撫視藐孤
免喪後足不出閨闈雖戚族冠婚諸大事未嘗往居恒操井臼

勤紡績出入言動未嘗或苟其節孝之清聲卽古之共姜守義
盧氏冒刃不是過也光緒六年本縣令文君以節孝聞於朝
遂得旌其閭且與節烈已建坊者同入邑誌詎非余族之僅見
乎九年冬翁捐館督子治喪事旋卜吉地葬之凡來弔唁者駕
輻後咸稱孺人爲女中丈夫十年媳又逝世以義方訓子炊爨
自任且撫育二孫完配以致精血耗盡晚年目漸喪明至十五
年十一月十八日酉時壽終內寢年恰六旬迄今家道日隆孫
曾繼起論者謂貞報不衰矣其次孫孔昭與余共肩譜事道及
祖母之愛憐而欲淑行必彰於後世余聞而有感焉今天下禮

義汨綱常絕母氏劬勞且忘之何有於祖母廉恥道喪何知節
 孝而孔昭獨以闡揚先德為念其孝思固不可遏也廼泚筆而
 為之傳

民國六年歲次丁巳季夏之吉

族侄孫邑優廩生虞卿拜撰

後世其間且與倫然且其世香同人邑流而此余親之勤良
 盡其言又不盡也此光緒六年本親命文法以節孝聞於
 德族其出人言慎未嘗如茲其節孝之節豈時世之其美也

故處士朱公必誨德配俞老孺人節孝傳

易曰乾道成男坤道成女秉乾坤正氣者男效忠良女慕貞節
余自束髮授書以還二語味之熟矣惜未見其人也丁巳歲族
修譜牒凡已故考妣其有關於忠孝節烈名教剛常者例准傳
贊以發幽光以昭來葉房兄附貢生鎮邦君與余在祠襄理譜
事道及曾王母俞老孺人節孝行實意圖善後囑余作傳余曰
職司俎豆凡旌德揚休胥與藐躬有賴敢不惟命是從蓋曾王
母音容雖未日見遺行耳之熟矣孺人出自名門幼嫻內則年
未及笄卽心以大家堂前則做及歸我曾公孝事翁姑和睦妯

媿慈愛子侄家計困頓處之裕如不敢以富貴驕其夫家有古

桓少君風焉年二十二歲曾公瘦有痼疾曾母衣不解帶食不

甘味日侍湯藥未嘗廢離及革曾母籲天求代拜斗祈年竊冀

連理枝頭風雨稍息以慰白髮終此晚景而已不意玉樓再成

上天卒召竟與白公先後而逝嗚呼曾母晝夜悲號誓不欲生

勺漿不入口有數日矣二老見曾母如此真純泣相慰曰以身

殉夫節則節矣如吾夫婦衰邁何求仁得仁烈則烈矣如蕤孤

襁褓何朱氏三世惟此而已女其以媳作子以母作父肩任之


維持之母斬宗祖血食也可曾母敬遵嚴命稍釋哀衷封髮毀

容釵荆裙布井白躬操夜寐夙興勤勞家計老者安之少者懷
之喜相慶憂相慰曾母其庶幾乎無如節愈勁者天愈迫心彌
堅者磨彌重二老相繼而亡飢饉兼臻迭告曾母以干刼萬難
之身保全一髮千斤一絲九鼎之重老有所終幼有所長撫孤
成立完配生孫終身沒齒未見笑容非秉乾坤正氣者曷克臻
此不依然今人中之古人巾幗中之完人哉宜其書香繼世瓜
瓞綿綿福報正未可量焉余小子不揣愚陋謹撮大概布諸赫
嘒以俟後之採風者彙入邑誌旌揚盛德於不朽云耳

峕

民國六年歲次丁巳季夏之吉

附貢生侄曾孫鎮鄉謹撰



Faint vertical text columns, likely bleed-through from the reverse side of the page. The characters are mostly illegible due to fading and ghosting.

南陵龍潭渡臨塘朱公墓誌

朱公號臨塘者蓋陵陽龍潭渡一隱君子也吾不知其人視其子若孫大抵朱公爲人宅心制行醅謹樸忠早夜勤渠壹以克家爲念訓農課子禮士通商綽有薪膽遺風爲一方傑然長者迄今兩子崢嶸諸孫繩振異日者蜚聲宇內不可謂非朱公培植之力也今葬於銅陵縣耙齒嶺姚家園蓋福地也世世子孫其嘉賴之公生於嘉靖丁酉年十月二十日寅時卒于萬曆丙午年四月念三日辰時享年七十子男二應策應簡女一適許宅孫男八人嘉桂嘉濟嘉棟嘉梅嘉柱嘉桓嘉樾嘉楷孫女二人長適陳于墀曾孫

男四人堂祚宸祚殿祚蔭祚曾孫女一人謹勒石用垂不朽

日

天啟六年歲在丙寅季春十日寅初卒王之吉丙午半四日念三

鄉進士南京兵馬

商賈年家姻晚生張其治頓首拜撰


于朝卿清溪縣尉異日春盡登字內不可階非宋公故跡之代也

念贈賈子甄士極商縣台獲觀數風其一式對然具幸遠舍兩

苔葳大姓宋公為人守心歸計簡藉對忠早交離栗壹以京漢錄

宋公懇調獄香蓋刻國前動對一懸吾于世吾不映其人顯其于

南適請對選調謝宋公墓誌



清浦施村灣馬孺人墓誌銘

自古誌其人則誌其行非謂誌其名宜誌其實耳誌其實其人之
真始得有如名家馬老孺人原係處士馬公諱由翁之女也擅淑
德令儀光大門楣作配朱諱應薦號繼軒隱君者廼逮于歸事翁
姑承歡朝夕率多孝敬相夫子以如賓有舉案遺風和睦妯娌慈
育子媳矢自誠樸凡持家勤儉克備少君之務庭內事機乍投委
婉周全不形德色鄰里爭競公卽排難解紛雖賠金不悔內助之
賢居多言念朱母專靜有能賢德丕著亦當世女中堯舜也卽如
繼軒公之嚴君賞公具溫良和厚之致清白傳家生子繼軒一人

一女適古埠孫爐公繼軒公幼攻書史習舉子業聰明才學足堪
上達可惜未伸壯志讀書至四旬後庶務紛乘難以兼攝砥礪之
功祇泛應自適居家秉禮相規待人無驕相接持身涉世鮮過舉
之虞教子孫禮法整齊誥誡不遺內外第房內居長新創嗣興公
肇置祀田永備春秋祭享儀物輪丁給胙之貲每清明設席必獎
勸卑幼從正去邪盜儉毋奢謀爲不可踰越約畧筆其行誼可稱
一賢豪君子也公壽七旬而卒生子四曰棖曰極曰橋曰梓率性
溫厚才情倜儻孫男胤首臘巧輩端方正直不事浮薄何莫非先
靈德澤所由致乎至若朱母生于隆慶己巳三月十二子時卒于

崇禎戊寅十二月初五寅時享壽七十卜吉葬清浦塘施村灣祖
園乾山巽向墓近貞淑夏老孺人葬所之東四至弓尺詳夏氏年
譜蓋地有福固係朱母之福而後之子孫瓜瓞雲初蘭茁其芽卽
百世下實嘉賴之尤可憶者朱母之徽音不絕卽其子若孫嘗於
祭奠必跪墓泣思馬孺人之賢道途行人日覩警心以爲奇觀真
乃合人意滿也今因朱母曾孫舉冠帶字子喻表兄卓犖不羣慷
慨有爲經營族務賢勞有素時雍正乙巳適遭畢姓侵侵施村祖
塋園界邀同房叔明華力訟如舊并序朱母之懿行實德特爲傳
述乞銘于余故余聊表儀型之足誌者備數語以釋其狀刊附于

史序之末以致後裔之不失其面目衣冠永垂不朽由是而為之

銘曰

操持可嘉貞同松柏不墜先志佑啟後哲朱母有德純備不忒孰

似朱母式穀維則


乾隆庚午年孟春之吉

癸卯科舉人眷姻晚生方于珣頓首拜撰

...

...

...



藝文 宣邑麻姑山墓記

王大父養吾諱嘉攻者係高祖應裕公子卽畧祖伯侯公父也高祖妣王舉六子公居長配奎鎮胡太君弱冠失怙諸弟俱少不更事家值窘公昕夕拮据不遑假寐胡亦順承而內相之殷殷然視勤佩儉以故家道屹起而五弟俱已成立其生平剛方正有尤重鄉評邑侯高其德特如物色族中推相宗事焉生子五長宏次宸三寵四采五密密卽畧祖伯侯公祖母蕪邑宦公性純孝初胡太君逝甫在襁褓嗣奉養吾公能先意而迎一日遭疾篤刲股調劑事諸兄甚恭謹若阡陌宅舍鳩析惟兄命厥後經營家政鴻織中

節產益饒遇人有難則拯之有急則周之用以豪俠聞里中而性
尤梗介公平族有疑忿率相顧曰須某至始能直及公一質責卒
無後言其誠服固如此然其所以懿行茂著緒業恢宏蓋亦宦祖
母內勦之力居多公生先考諱淮叔考諱海享年四十有九忽染
奇疾因率先考與叔而囑之曰余父母未歸宅兆吾目不能瞑汝
兄弟日後卜吉務令吾與父母合葬之不必苛求伯父也先考叔
敬承遺命歲延堪輿緬山披棘乃獲牛吉于宣之麻姑山於康熙
甲申十月初五申時卜葬養吾公居中胡太君居左初七日未時
葬祖密公居右仲冬朔日申時另卜葬宦孺人于墓前山向俱乙

辛加卯酉四分弓丈東橫九弓三尺西橫十八弓南直三十三弓
二尺北直三十五弓二尺既葬之後歲除元旦先考協叔往拜之
更自置田於墓側俾祀事有貲焉乾隆戊午伯祖孫等上念祖宗
復與略輩創建一公春秋祭祀使世世子孫得以守之弗替云今
春續譜蒙族推略襄厥事因協理宗公不得有權輿囑弟璵姪鼎
翊贊之值茲告成例載墓誌其祖妣生卒悉詳年表不復贅爰將
卜葬之位次山地之由來附記譜末以爲後人覽

乾隆十五年歲次庚午仲春之吉

曾孫文畧沐手敬識

節節益錄過人有難則拯之有急則周之會滋文舉

薄劉十五平遠大規平中春之青其基三始能直及

不輕之立大山賦之由來惻暗韻未以益送天觀歎宏蓋亦臣祖

概覽文節誌告烈何輝墓補其脈賦主率悉精中表本府贊發錄


春蘇韻業蕙蕙新寒洲地因對野宗公不勝宜辦與國印離我無

與與相擊陰戮務公春輝榮顯對世世子孫壽以寶之典贊元全

黃自習日英基賦軒脈專育習道鐘對近平餘脈凝華山然麻崇

出只來直三卡正吉工只鴻蓬之翁嶺劍夫且我步謝賦并我後

幸吡眼西四衣甲戈東謝民君三只西謝帶八步海前由再後也



聖崇繁邑東山脚下墓誌曰遊光大前業頌桂榮莫甚祖塋下於
昔至聖先師築防墓有云予東西南北之人也不可以弗識也於
是封之崇四尺蓋以恐人不知而誤犯恐已遺忘而難尋故封之
以示記也然封有時而或崩石無時而或捐後人易之以石刊山
向書界限至載明里居籍貫以垂永遠厥名曰碑或做至聖之遺
意與余高祖諱嘉定字恒明娶劉氏高祖妣生子一諱圖祚繼娶
秦氏高祖妣生子一諱進祚圖祚生子四歸佩社祠社改名雲鶴
邑庠生進祚生子二長佳次傳于康熙二十年買繁邑東山脚下
土名葉家埠而公塋在其山坐乙向辛二十四年孟冬月勒石焉

公姪諱啟祚字伯欽娶張氏叔祖妣生子三篤瑞瑤合葬此山坐
卯向西又于二十六年孟冬月勒石自乙丑歲至今越週甲有六
年矣其地原係魯國玳賣北一壙橫四尺東至自山西至官路南
至母墳北至叔墳南二壙橫八尺東至自山西至官路南至自山
北至父墳共長四十弓啟祚張氏叔祖考妣三塋橫一弓二尺前
至大路後並柯地北至自墳南至魯墳長九十弓茲值家乘告竣
孫恐隔屬欺異窺吉暗盜尤慮雲初世遠春秋或缺有失踪跡備
述原委逐一詳錄附登譜牒俾後年深月久一日瞭然庶不失至
聖崇封之遺意其或家聲日振光大前業馳封榮墓是所望于後

之子孫


邑鶴原縣碑記

皆

云謹家謀而不忘先學孝之大也夫以家謀

大清乾隆庚午歲次仲冬而為之記

嘉定公元孫灝薰沐頓首拜撰



墓多居宅畔遠不過里許其間歲時往來享祀無缺而且碑塚整飭氣象嵯峨至于曾祖妣嘉軒公俞太君以及祖瀨公叔祖近公... 均未下地時先嚴與陶親翁高老先生三五至... 地南北均至施家

公好書... 張氏叔祖... 生于... 篤瑞...

卯向西... 于二十六年... 孟冬... 勒石... 乙丑歲至今

年矣... 其地原係... 晉國... 城... 北... 一... 橫... 四尺... 東至... 自山西至官路南

至母墳北... 至叔墳南... 二... 橫... 六尺... 東至... 自山西至官路南至自出


北至父墳... 共長... 四... 十... 弓... 被... 祥... 張氏叔祖... 考... 妣... 二... 橫... 一... 弓... 二尺前

至大路... 後... 龍... 地... 北... 至... 自... 墳... 墓... 安... 公... 孫... 蕭... 松... 德... 首... 葬... 葬... 後

大... 晉... 碑... 刻... 于... 鐵... 定... 中... 冬... 而... 餘... 之... 碑... 世... 遠... 春... 秋... 或... 缺... 有... 失... 踪... 跡... 備

述原... 昔... 建... 一... 洋... 鎮... 附... 登... 壽... 祿... 俾... 後... 年... 深... 月... 久... 一... 日... 瞭... 然... 庶... 不... 失... 至

女子... 之... 遺... 意... 其... 或... 家... 聲... 日... 振... 光... 大... 前... 業... 馳... 封... 榮... 莫... 是... 所... 望... 于... 後



繁邑鶴原墓碑記

韓魏公云謹家牒而不忘先塋孝之大也夫以家牒謹祖孫不忘
初雲相次考世系者脉絡可尋先塋修碑塚煥列存沒均安別族
氏者瞻望得識余謂人之得以時親其祖宗者先塋較家牒尤甚
然代有遠近道有修短俾之勿壞責在子孫余家自高祖以上墳
墓多居宅畔遠不過里許其間歲時往來享祀無缺而且碑塚整
飭氣象崢嶸至于曾祖妣嘉軒公俞太君以及祖遐公叔祖近公
廼公并二叔行生公均未卜地時先嚴與陶親翁高老先生三至
繁邑得佳城于福山澇東至方山西至堪下茶地南北均至施家

祖瑩計差七釐于乾隆庚申三月十九辰時甲庚加寅申三分卜
葬焉旋於癸亥十月十八日以坤加未三分勒碑墓前而墓之所
在地勢盤桓到頭結局恍如飛鳥高翔而下因形命名爰取曰鶴
是舉也先嚴苦心祖宗共鑒夫亦竊魏公之遺意而勉爲錫類也
乎猶憶歲丙寅博士世潤兄道經龍潭特隆廟享興言譜牒輒爲
擊節曰紫陽統譜會修在卽爾龍潭世譜當先輯以待統會故明
年春先嚴與懷仁負魯諸叔等潔粢告廟互爲參訂謹義例釐世
次以追先德以昭來茲無何稿未脫而先嚴逝矣余小子勉襄終
事今幸告成則魏公所云家牒之謹彪得從諸君子後差慰先嚴

志耳然於先塋之不忘終有不敢爲先嚴遽慰焉者蓋繁邑地居
隔縣離家數十里倘經年不到荆棘冗沓之旁狐藏鼠穴渺不可
知則不孝之罪余子孫實難逃愆今爲之圖其形勢詳其界址附
刊譜牒俾後世觸目警心以爲歲時勤修兆域之助則先嚴于魏
公之言兩得之矣彪用是兢兢而竊有望于后之子孫者也
乾隆十五年歲次庚午仲春之吉

嘉軒公會孫文彪薰沐謹誌

風聲訃事七... 庚申三月十九日長時甲寅

葬於癸亥年八月十八日以坤加未二分物碑某

在... 局恍如飛... 公曾濟文... 歸歸曰鶴

諱劉中正... 公之遺意而勉為錫類也


公之旨爾... 公之旨爾... 公之旨爾

侯... 侯... 侯... 侯...

侯... 侯... 侯... 侯...

侯... 侯... 侯... 侯...

侯... 侯... 侯... 侯...



餉耕亭記

亭之樂其來尙矣亭之有記其來亦尙矣自文中子有汾亭蔡伯階有科亭杜少陵有草亭朱晦翁有考亭亭之樂在古人皆可今人獨不可乎自王羲之有蘭亭則記之歐陽修有醉翁亭則記之陳后山有思亭記蘇東坡有喜雨亭記亭之有記在古人皆然今人獨不然乎惟人不如古則無亭之樂樂不如古則亦無記耳宣之南陵有朱姓珍名字時貴者系出新安文公之裔好古樂道不慕仕進居邑龍潭之陽故自號龍潭釣叟居之前彌望皆其膏腴之產田間有池池上有坵於坵之上作亭以爲休息之所亭之外

花木雜植而其田四周焉亭成于東作方輿之日叟坐其中適見
耕者交錯餉者往來忻然而樂默然而思曰此可以名吾亭乎故
名之曰餉耕然斯亭之樂豈止於餉耕而已耶由耕而耘而穫皆
可樂也抑不特此而已春先得而亭柯秀暑不侵而池水幽菊倚
簷而花放香雪映窗而室生白以至風生而林木震雨霽而溪水
流日出而山鳥鳴波動而池魚躍開窗則珩琅送青俯欄則龍潭
遶綠此其樂於耳目者然也若夫靜可以樂天真虛可以觀物理
詩書滿前隨時而卷舒几榻在側任情而坐臥可以賦詩景真而
句工可以飲酒興聚而情洽可以少疾輕岐扁之神工可以却老

陋喬松之幻妄此其樂于身心者然也亭中之景無窮而與之樂亦無窮一時能詩者皆有以詠歌其勝而工於畫者且繪之于圖焉予雖未獲登叟之亭樂叟之樂然閱其詩覽其圖有以知叟者所蘊有同于古人而所樂亦不減于古人矣故述以記之

弘治四年辛亥九月既望

賜進士及第資德大夫正治上卿前都察院左副都御史總督陝

西

三邊軍務南京刑部尚書舒城鄭時記

花木雖植而其田四圍為亭成于東作方輿之君夏

耕三麥軍將南京條漸綠舊嘗錄賦補強日此可以

西之日倘耕然斯亭之樂豈止於飽耕而已耶用耕而耘而獲皆

閱雖土又策資給大夫五等士聊游階察謂主臨儲聯史與齊類


更尚陞致客客或民病整生白以至風生而林木震雨霽而溪水

洩藤節同千古人而風樂亦不氣千古人矣想彼是時文則龍潭

無子難未蘇登與之亭樂與之樂然閱其特覽其圖亦以映與澤

亦無讓一報銷掃香皆育以精燭其繼而在外畫各且餘文平圖

神齋然之以此其樂于長心香然此亭中夕景飛廉而與郊樂



愛竹庄記


春穀清涼高爽土廣人庶其鄉之北有龍潭潭傍有園修竹彌望
新翠照人如濯陰颺一動雖當烈火流金之候使人倏然有挾纊
意吾永新尉朱公之庄也公未仕時事親講學之暇披鶴氅衣支
九節筇閒遊庄中迴視萬竹如元夫鉅人拱揖左右公徃視之久
精神凝合物我兩忘恍與古豪傑共語于千載之上竹亦似解公
意亦微微作鳳簫聲以娛公公遂與庄訂盟曰愛竹及公出仕鄉
人疑之曰夫人欲植勳業以自見者昔何以爰竹自誣邪君子曰
不然夫植物之中稟真剛之氣者惟竹爲甚嘗試思之一氣方伸

根而蘊者芟而秀者莫不振翹舒榮以逞妍于一時及夫秋高氣
清霜露既降則皆黃隕而無餘矣其能凌歲寒而不易行改度者
非竹也耶竹秉直不撓似衛之史魚漢之汲黯臨難不改節似殷
之比干周之伯夷叔齊遯荒閒之野甘寂寞之濱油然自適似孔
門之顏淵洞中虛玄逍遙物表無入而不自得似蒙漆園之莊周
竹之德可謂備矣故昔之君子每托之以自勵東坡居士傲睨一
世人物亦獨以醫俗許竹朱公之志蓋亦若斯而已公之處也與
竹爲伍則疑然有以自立及其爲時而出剛直自持不爲物議所
移奪卒能立事功而澤生民初亦未嘗與竹相背馳也詩曰惟其

有之是以好之予故記之予謂誰永新賀星樞也

嘉靖十九年歲次庚子孟春月既望

賀星樞撰



根而... 而秀... 不... 挺... 舒... 以... 送... 妍... 于... 一...

法... 霜... 露... 降... 則... 有... 效... 阻... 而... 無... 餘... 矣... 其... 產... 量... 歲... 寒... 而... 不...

其竹也... 即竹... 葉... 直... 不... 撓... 似... 衛... 之... 史... 氣... 度... 之... 汲... 點... 臨... 難... 不... 改... 節... 似... 殷

之比... 于... 周... 之... 節... 與... 叔... 齊... 運... 竟... 屬... 之... 野... 甘... 寂... 冥... 之... 漬... 油... 然... 自... 適... 似... 孔


門之... 觀... 淵... 淵... 中... 虛... 玄... 道... 遙... 物... 表... 無... 入... 而... 不... 自... 得... 似... 蒙... 濛... 國... 之... 莊... 周

竹之... 節... 可... 謂... 備... 矣... 故... 昔... 之... 君... 子... 每... 托... 之... 以... 自... 勵... 東... 坡... 君... 士... 僕... 現... 一

世... 人... 物... 亦... 獨... 以... 醫... 俗... 許... 竹... 矣... 公... 之... 志... 蓋... 亦... 若... 斯... 覽... 星... 跡... 幾... 矣... 也... 與

有... 嘉... 節... 十... 日... 氏... 爭... 歲... 矣... 與... 于... 之... 而... 春... 且... 琅... 瑤... 出... 剛... 直... 自... 於... 不... 能... 物... 議... 所

亦... 序... 之... 具... 亦... 以... 致... 文... 行... 妙... 晴... 之... 乎... 贈... 詩... 永... 祿... 賢... 星... 跡... 幾... 矣... 也... 與



詩

餉耕亭唱和

高人甘隱逸春日餉耕忙
甕裏村醪熟田頭黍飯香
柳堤陶令宅茆屋杜陵庄
但得豐穰歲何妨入醉鄉

陳霖吳興

倫彝南海

爰向高邱構小亭亭前山水足
怡情晨昏謾與江雲侶
春夏閑看野老耕行饁正宜休
婦子幽棲端可藐公卿
高人志重農家務揭扁斯亭立此名

李梁廣陵

芳塘一曲繞田廬日坐其中自讀書淳俗無虞須買犢豐年有夢
 每占魚頃筐引饁朝烟裏短杖徐行夕照餘最愛後昆勤播種始
 知經訓在菑畬

翁 勉秀水

龍潭釣叟晦庵孫詩禮傳家道自尊看罷餉耕亭下坐一團野趣

樂汗樽

王 攷

大田音寂寥誰知田家苦公卿食萬錢不暇嘗伊黍山翁倚山亭
 貌古心亦古掀髯撲手嘯婦子來筐筥

結得茆亭四面開
林泉天下換三臺
安排地步爲生計
收拾風花作隱媒
餉黍每從雲外去
耕蓑偏自雨中來
秋深稻穫成春酒
日與鄰翁醉幾回

汪 度續溪

孫元左徐州

原野分中一徑開
地偏自覺勝天臺
踏花餉黍鶴爲侶
汲水蒸梨火作媒
開戶雲低推白出
捲簾山遠送青來
日餘還有忘機處
兀坐龍潭釣幾回

雷汝佐安陸

新構名亭寬似斗波光山翠足怡情鶉鳩啼處家家雨黃鳥催時
處處耕稚子携筐招後侶老農停耒憇前村箇中每自占魚夢千
首新詩謝歲成

夏 震繁昌

構得幽亭扁餉耕滿前風景勝蓬瀛倒池綠水來沙鳥障戶青峰
映畫楹幾隊老嫠携午饁一犁春雨兆秋成南陽諸葛河汾老眼
底君堪可其盟

高 賡

百畝春風滿一犁烟雨初放牛饁近午擊壤樂唐虞

徐來當塗

炊玉未足食糜金反速稿乃知稼穡功
伐食實爲寶饁彼南畝間
婦子田頭遶豈不念辛苦只愁功未早
天道恒在人耕勤獲斯好
滌場日須臾朋酒樽堪倒載誦七月詩
宛然覩京鎬

吳大有崑山

先生文采冠羣英高構幽亭揭餉耕
萬疊雲山遙拱翠一溪烟水
近涵清携筐稚子閒憑地秉耒農夫
倦倚楹避俗絕無車馬跡秋
來獨坐看登程

王豪宣城

不慕紅塵惹是非
 餉耕亭下穩棲遲
 鳥犍頻逐花犍放
 家鷺時兼野鷺飛
 媚婦息陰當日午
 殺鷄供黍趁秋肥
 幾回不脫蓑衣坐
 細嚼幽風七月詩

於障姑孰

百年未許等閑過
 便築新亭學邵窩
 分外功名輕問對
 眼前光景屬吟哦
 暖風習習吹耕笠
 細雨霏霏濕釣蓑
 窗下牧童春睡起
 閒將魚夢卜豐和
 不念辛苦只愁忙
 未早天散野人無
 王安滁州

草亭新結在高頭
 一老其中樂自由
 雲盡好山當戶顯
 晴雨新水

向池流春來最便觀耕餉客至還堪洽燕遊識得此間真意味更
須何處覓瀛洲

劉
茲安成

結亭池上寓幽情日課蒼頭舉趾耕餉婦隔村聲故喚牧童騎犢
笑相迎于雲雅趣君先得莘野風流自是清此樂三公真不換從
教寵辱兩無驚

尹
爽

君不見葛伯仇餉恣暴橫吊伐之師從茲奮東征西討慰來蘇特
爲吾民攄夙憤又不見雍伯給漿憫勞苦積善由來天所與五雙

白璧表陰功芳聲美與流今古四民之中農最勞于耜舉趾勤東
舉沾塗饑渴疇能恤無功坐食慚吾曹龍潭釣叟雍伯伍一念慈
仁憐赤子提壺炊黍餉隴頭弛鋤停耒來傍午匹夫一飽感恩多
願君福祉如山河千載遺蹤繼雍伯高亭翼翼名不磨花封令子
鍾餘慶幽客騷人賡雅韻太史觀風如見採留與豳風七月並

歐陽光湖南

謾將經史究遺香擺脫人間富貴場仕版有聲皆俊逸印園何事
獨昂藏攀龍想見千年會整翮還應萬仞翔去去未容淹底蕪敷
施端有待吾皇

鄭珉

亭構龍潭阡陌上春風耕饁有餘歡水光蕩蕩雙眸豁山色蒼蒼
四野寬筐筥咲携來憩止犁鋤坐息自盤桓主人慰勞辛勤者一
日登臨幾度還

胡洪

伐竹誅茅結構清水光山色映前楹一犁烟雨扶春曉千畝雲霞
擣晚晴稚子扣門携濁酒山妻挈榼送藜羹幾回抱膝孤吟坐不
識人間有利名

陳效同邑

結箇幽亭手自題
春風扶杖課新畦
山嵐欲雨雲千疊
地脉初膏土一犁
饁甕每將溪水盪
黍筐常帶野花攜
時禽似解催耕意
布穀聲聲不住啼

周滌琴川

百畝田千搆此亭與亭相結遺安盟不隨
潘岳栽桃李却效淵明種秫稷
郎署息歸呼豎牧午牕睡起餉夫耕
長安碌碌拖金紫誰似先生樂太平

許綵

紫陽有後裔高隱事田疇
三時勤催督百年此良謀
結亭無所寄

餉耕心優游仰視青山阿俯瞰碧澗流於焉此唵咏信美得自由
足不到城府白首輕王侯

題餉耕亭畫圖

祝鑾

饁婦語林烟耕夫解半輓無懷風景中誰家墨留跡

贈龍潭釣叟

尹爽

莫笑垂綸者溪邊空打坐一絲扶九鼎聲價乾坤大

贈及門朱晦之充之兄弟示勉

陳效

兄弟攻書共一堂連床恩愛繫綱常古人已用三冬足我輩休拋
一寸光布帛文章真錦繡齏鹽滋味勝膏粱月中桂子分明待占

取高枝看雁行

挽朱四老官人并引諱琇字時用

陳效

某辱交於公已三十年矣而公始終一致初不見一毫

涼態此乃真君子也去秋同公飲今春聞公訃人生如輕

塵栖草詎不信哉竊宦羈縻不能執紼以送公歸窆此一

欠事也香一瓣詩一律聊引遠情他日塚草雖青尙當一

哭公其諒之

散蕩乾坤六十霜龍潭東畔輞川莊酒中賢聖誰知味地下神仙

自有方里社劇說今寂寂鄉評高誼正堂堂懸知冥寞含情處一

脉書香望九郎

携棐對朱又如集李

王震

手秉玉塵尾膝橫花間琴清歌弦古曲流水引長吟而我謝明主

與君論素心鍾期久已沒何必求知音

贈崖公

獨酌

效古

杭州送斐

贈劉都使

開元寺

月夜聽琴

夜宿龍門

祝朱懷陳四旬初度時康熙壬寅三月十五懷陳新遊泮

郡尊黃公適以此日送諸生入學

周琰

盈盈海屋數籌枝正值芹香泮水時把酒乍牽衫影動簪花頻挿

南音詩集卷之三
名三
集言生
帽簷敬奏來雅樂疑仙瑟撰得新詩供祝辭却訝稱觴真巧會一
生事業應無期

別朱君懷陳

胡佩

余操此術遊歷今廿餘載見茲負土家析錙時每每廼者我朱君
獨力無旁逮朱君葬曾祖塋費皆已出絙谷披莽榛尋山陟崔嵬
愧我非撥沙葑菲承下采風雨着屐隨傾樽擬北海假榻既有年
臨別意不改他日應相思渭樹春雲靄

謁祠堂語諸族人

兆鰲

有政何嫌亦于今數十年敢云繩舊武肯許息微肩鹿洞雲霞合

龍潭花樹鮮仰瞻
先烈在珍重語諸賢


歲丙寅告辭社務呈

邑侯段父臺七言二律

歷經社務九更霜
漳水清清歲照倉
敢謂持籌勞在國
但求出納當於鄉
怨聲不作安魂夢
病骨難支亂肺腸
新奉憲恩三載調

時撫臺有三年聽調之例歡稽白首叩
琴堂

三年卽調自清氛
歲淺何由弊半分
穀到兩交無隱漏
人逢始事愈精勤
皖江旭日曾開鏡
陵邑春山應換雲
九載算來幾倍例
冰心一片在神君



又排律一章

一社何虞一長才寸心已共寸陰灰
君恩久負艱于鼎家法深
思暢若雷緣柳條勻千戶出黃花色映幾石回家臨鳩水倉如夢
穀散人烟地是猜展簿見名虛見券呈追堪取亦堪哀披霜自踏
鷄聲月冒雪旁窺驛使梅每到歲闌仍作客幾經春暮未啣杯忘
廉鼠又侵官廩無告民還補己財但值厥盈方意解未聞羽化後
籠開三年例倍三千日四百石增六百堆考績便宜遵格獎黜奸
盜俟貫時裁里胥門隸如期調國計民生儘我挨不少英奇能報
最何須老病強安排念將甘露蘇長役莫把神斤琢朽材隔層難

知真假疾免冠曾見髮毛衰粟今全數登鄉貯乞放淵明歸去來

社倉贈別 與魯年翁歸里

邑令段方皋

爲報賢勞數引卮美君家法有成師捐囊築廩無同志賠穀甦貧
却共知例滿十年留不任告退時僅九年秋謝事時係十年春情深一
別語偏遲清風交袖重相揖廉士須珍廉吏詩

手錄汪氏潛然成咏

誓與同偕欠白頭五花封到幾時褒壺儀愧我參家乘義不言私
淚默流

久別芬州康老夫子因賦所感

欲拂鍾期去後琴問誰能解伯牙音細磨流水窗前墨沒繪高山

世外岑

過太白酒坊撫憲觀風

青蓮曾一飲丹井尙餘香古刹留殊跡仙翁別上方彌陀虛醉眼
栢度假流觴勒馬禪林外凝眸野道傍有坊尋酒况無客解詩囊
忽聽松風至悠然古韻長

贈龍光長兄

世潤

鸞亭鶴峙許相同邁迹塵寰獨羨翁股試金刀香篆罷神藏玉海
障雲空盈堦樹色森森綠滿塾燈花燦燦紅握手綢繆情莫極愧

無好句出詩筒

勗子

文畧

我今誠汝汝宜思切莫優游自棄之千古功名無可異一生風骨
願爲期知新未得還溫故上達從來自下基回憶考亭風未遠箴
規那得不依依

秋日書樓落成

靜園昂

畫樓高出畫牆東秋日憑欄天更空遙望鳳村棲彩鳳俯窺龍渡
毓文龍興來句帶烟霞逸醉後歌將帝座通極目曠觀多快賞悠
然如列五雲中

辭攝事

霖

歷經祠務數更霜深慚青年未顯揚有志贊襄勞
上國無能理

處當諸房怨聲勿作安魂夢惡莠難除亂肺腸今奉衆翁請攝事

因稽白首叩公堂

奉和原韻

劉紹基

先生立品似冰霜學富才高姓氏揚志紹修齊觀
上國心繩誠

正東諸房親疎共戴當安夢稂莠同風莫亂腸德化一鄉何一族

奚其爲政必朝堂

自懲

霖

年雖五八我何嗔灑昔魁云八二春上達原來由下學天宜不怨
不尤人

勗觀德學院姓朱名蘭觀德試名夢蘭故咏此勗

夢蘭今日細推看
欽命文宗亦是蘭凡事有緣都豫定水觀

其術必觀瀾

朱蘭
欽命擅文壇爾昔緣何取夢蘭却訝今年真巧會金鰲
定釣預持竿

喜閱文章與字清咏吟一律寄蘭生傷予老邁名難就望爾崢嶸
志早成切莫青氈招後俊定須絳帳奪先聲古來多少登鰲客端

的功夫仗力行

此言文...

...

...


...

...

...

...

...



跋

余離襁褓與族兄懷陳同就師塾頗解句讀贊之乎相與暇翻家譜已識辛酉之役太行草率兄約以吾輩壯卽舉修余謂修之易事耳須求事業文章稍爲譜牒顏色焉方可年十二就童子試

邑令面待終藝謬許國士適宛見書院整齊妄賦南樓 太守深

嘉予焉院試未售私心自謂猶可俟也詎年十六以後運際迤邐而多難起矣有天常夜待旦無期 先嚴失血卧床族之新興大

合公 安祖公 燭祖公不得不身任經營而自復困於瘡以多

事之日值扶病之軀惟有風燭之虞門無禦侮之助兼以慙直性

成不肯作喜鵲迎亦不爲含沙避遂使有芸見霧無藥招蜂紛紛
雀角迄無靈歲如室產死女本屬無辜而族之媒孽其端者卽以
溺女誣之徃來驛路惟聞枷鎖生香轂棘烏臺安在詩書有色歸
對瘁婦挑燈夜泣婦曰怨入骨髓矣君不可爲孫臏范叔逐後塵
乎奈出險未週而婦亡又未週而先嚴旋逝五內慘裂遑問仇
讎埋首苦塊間苦歲時潛易忽爾且三十零三歲矣惟辛先慈
尙健援例捐貢方擬着鞭驥尾畧展平生何期讒慝交張暗唆
圖害仰荷各憲廉明寃沉得白然而脫纍之桐尾已焦矣是時
搓挪債項更自無暇而邑令亟延之署席罷手出社倉文書謂

此 聖朝新典廼祖 文公家法祖作孫述忠孝不可兩全
乎勢不獲已勉強承乏不料倉穀出借 先慈謝塵懇退不容歷

經九載因作七言律二首排律一章情真語切得准辭歸當此若
盛暑苦渴時倏到翠竹清泉六腑皆涼忽祠報新安 大宗博士

公以修譜至余欣然起曰此夙志也今其時矣卽詣祠約以明年
丁卯始事族議勿協今春兄復舉譜事招蹇余家被火災風雨未
葺長次兩男又以秋闈促赴不及旁參意甚難之而族衆咸推義
無容辭因商會譜之艱不如分纂之易當代公意而另申其引至
圖系款式仍遵茶院世譜俾無異同其生卒年月卽合各房自相

查核使益見親切余與兄懷陳分房任筆然後互同考證庶工
不煩而事無擾衆悉爲然卽日焚香展舊譜於祠族咸指秋崖
公序請曰據始祖所云則宜安定宥甯容等六公盡易名發遣
邊衛矣今鳳翅長園鳥在六塋具備此大疑焉余揖衆坐曰始
祖隱語也試思按犯遣配何故易名蓋易人代役而易名自全故
每役一名必撥二子以便彼此循環相爲料理使代役者日久勿
變而在家者安枕無憂所以見於譜牒有生年無卒年猶使旁觀
者儼然人卒在衛也迨成化間朱詳朱永以軍功開免衛籍故六
塋顯勒石爲碑而不諱耳衆聞余所言不啻目擊當年咸煥然冰

釋焉遂命余跋其由于後余潔具筆墨而洗硯於池驚見鬚鬢皓
然回思總角時所謂文章事業當與譜牒顏色者果安在哉竊計
六十年來所建鉅細公堂不遑他論卽如大合者率族子弟延名
師嚴家課考必助贖達必獎勞今比戶絃誦蔚然成林而余之拙
男輩聞鷄頗識起舞且孫亦循循就塾將來者其不虛此語乎

岢

乾隆十五年歲次庚午林鐘月

穀旦

裔孫璵薰沐敬跋

跋

昔伊川程夫子曰譜之要在明一本而濬其源所以尊祖敬宗也
究萬派而清其流所以明親疎之遠近也辨昭穆等降之殊所以
識尊卑之次第也隆吉凶慶唁之儀敦孝友睦婣任卹之行所以
崇宗族之典禮也是修譜之責綦重詳慎以圖其始珍惜以落其
成尤必書言以紀其後庶參訂校閱之辛勤于焉乃見我 文祖
三子 在公四世孫 秋崖公自徽婺徙陵之龍潭手訂宗譜爲
來葉計至深且遠後人踵其事者都事炯公倡修嘉靖庚子增廣
應慶公繼修萬曆甲午至天啟丙寅逮 本朝康熙辛酉嘉衡公

等曾與闕里會修統譜兩次厥後支流派衍乾隆庚午懷陳與魯
二公又分任專修龍潭支譜迄今七十年來族衆丁繁一時稽查
未遍稿雖創于已往諸先生尙未修輯茲我族諸公追思木本水
源慨然有志合族議纂定譜牒詳者載之繁者刪之缺者補之間
有未協者稍爲更張之廣推恩例准服內兩祧善全似續改十四
承繼條理不紊恩義兩全選舊春以開梓忻今冬以告竣日月幾
更殫心竭刀合族諸公繼志述事之誠悉可見也孫本謙陋從諸
長上之後忝與其事非無參贊一辭而亦不敢聰明自作今裝訂
成書標曰龍潭宗譜承闕里翰林博士光燮老先生奉 詔入都

道過宗祠會修統譜作序于前合族命孫敬撰數言以紀其後庶
奕禩視支派之分一本散爲萬殊萬殊同歸一本因端竟委窮流
溯源卜其世玩其圖其亦有感于前人之深衷也乎

道光辛巳年孟秋月

穀旦

文公二十世裔孫增貢生大伸百叩謹跋

等自歐陽原會修統譜兩次厥後交流派衍乾隆庚

二公又分任專修統譜支譜迄今七十年來族衆丁

未週猶難創于已任諸先生尚未修輯茲我族諸公追思木本水

源慨然有志合族議舉定譜謀詳者載之繁者刪之缺者補之問


有未詳者補之更張文公二十世裔孫實主大幹百甲數建四

歲光辛巳年孟秋月 兩全 據且春以開梓折今冬以告竣日月幾

闕懸小其世冠其圖其在育懸于誼人之將夷也乎 本誌願從諸

奕歟厥支頌之於一本譜為萬枝萬枝同翻一本因繼竟委讓孫

敬啟宗風會於此譜并取于前合族命孫懋懋懋言以孫其好



跋

譜乃宗族切要之圖修爲子孫久長之計我祖元未徙陵代

有偉人叠修不怠其所爲必修之情與所爲當修之理閱前序

彰明較著深謹述并次尤慘者嘉靖庚子燭公修焉萬厯甲午

廖公修焉天啟丙寅博士邦相公統修嘉衡公與焉入

本朝來康熙辛酉急遽之役未免亥豕乾隆庚午分任之舉尤

見申明逮道光辛巳懋引二賢公纂修迄今年未滿半百事竟

痛凌夷十數年避亂千萬戶傷心戊午兵馬猖狂蹂躪烽火田

園廢爲墟墟廟宅化爲灰燼我族龍中兩渡擊賊爲仇日懷烽

樂陽音韻分邑身詩
卷二
鏑之憂染浦數村當衝爲害時抱蕭條之痛宗祠宗譜奚遑顧

問甲子克復金陵爲我萬國慶昇平因幸我族解羅綱

然以大難甫脫而卽建祠葺譜我族諸君子志衆攝理宗事

視老先生特識也蓋以數百年來戶繁丁衆十餘年來地廣人

稀遲之又久老成日衰文獻不足生卒年月無從稽考祖妣諱

氏莫爲詳明人若有心誰能遺此爰集我族諸君子會議曰祠

建先靈妥譜修本源端規仍由前定例當遵

皇朝推而行之繼祧則改再三善以全之似續則更十三自舊

秋開梓越今春煌煌乎一盛舉也惟夏五月十有二日大雨如

注洪蛟並發圩堤烏有時我族諸君子憂深海水而先生情迫
江波誠恐事難成而咎攸歸任既重而躬必逮也不避溽暑不
殫煩勞于是族人見而敬者遂敬而憐焉是舉也先生之心良
苦而躬亦良瘁矣茲當告成命深跋後雖學本謏陋而忝列几
旁義固有弗敢辭因爲不文之語以附厥後庶後世子若孫一
展卷卽知有志者事竟成焉耳

同治五年歲次丙寅桂月穀旦

裔孫邑庠生深薰沐謹跋

銷... 爲... 之...

國... 爲... 平...

國... 平... 爲... 我...

吳... 自... 志... 其...

漢... 自... 收... 因... 不...

苦... 爲... 員... 卒... 矣...

戰... 歟... 于... 具... 然...

五... 好... 爲... 事... 難... 而...

致... 其... 姓... 並... 發... 其...



跋

此次續修譜牒剗剗告竣族之人屬裔孫寅清跋數言于後於虜寅清亦何言哉原夫家之有譜猶國之有史凶係本紀輕也我族自龍潭

始祖秋崖公由婺源肇基于此雲初繁衍幾遍陵北蕪南由婺源籍統修者凡二舉龍潭專修者凡五舉紀敢歧婺源籍而二之序昭穆明親疎誌塋兆纂實錄尊祖敬宗譬之江河流派雖

殊按源處可追溯也况我 先祖文公倡絕學

于東南聖經賢傳賴以修明又特著有家禮

一書天下都奉為圭臬有云三十年不修譜為

大不孝者凡我文子文孫敢不遵守哉奈前清

光宣時天屋滿社饑饉薦臻揜遺編而扼腕實

有志而未能民國元年年書大有寅清借秀

芝文學文安等磋商商籌辦蒙各房房長成


源成汁等踴躍贊助並推舉秀芝元愷孔昭

與寅清分司專責讎校合刊自去歲孟秋月
起至今歲季夏月告厥成功其間年表傳贊
信以傳信疑以傳疑如春秋夏五郭公之類
一切遵照舊章不敢自作聰明惟條例中
有年滿十三歲以上亡故者准許承繼因迭
遭爰故頂祧維艱公議畧加爰通酌為年
滿十二歲以上亡故者暫准承繼不為定
例 先祖在天之靈尚乞鑒諸所有區區附

綴于末俾來葉得有遵循以匡所未及子子
 孫孫永遠弗替是尤寅清等所厚望也夫

民國六年歲次丁巳季夏之吉秋崖公十七世孫

邑庠生寅清謹跋



(Faint bleed-through text from the reverse side of the page)

